

Sises Ekareei Ma' Namenuka'pu Ekamanin

Sises Ekareei Ma' Namenuka'pu epiya'ti, “Seri, seri wak_u itekare Papa Mumu, Sises K_urai pi',” tukai'. Sises usene ka'pon iku'nin, miri awonsi'ki t_umeruntir_u kenan pe. Imeruntir_u usene enupan nito' iya yau, makoi a'kwar_u entaino yau, miri awonsi'ki ka'pon am_u' makooi pi' isentu'ma. Sises usaurok_u tapi' Ka'pon, Papa winon pe, iye'sa' ru'pu t_uuko'manto' t_use'na ka'pon am_u' mo'kanin pe makoi apai.

Ma' uya Sises pantom_u ekama to'sari ri, pana'pan yau, Sises nakup_u'pu kuru pi', imaimu ton miri awonsi'ki enupan nito' iya ton entai. To'ken ni Isaan Pa'tes miri awonsi'ki Sises epa'taisima'pu, miri awonsi'ki i'tupit_u pi' Makoi esi'pu t_upo, imenukanin uya inke pu_u ri Sises e't_urawasoma'pu ru'pu epi'tin pi', enupan pi' an_um_u. Iko'mam_u kaisari ri, Sises pikiron kon uya ito'ka'n_uk_u'pu wak_u pe pari, e'tane iteyaton non ena'pu miyari ri isi pe. Iu'mat_u pe ekamanin airi ekamasa' iya iye'ku'sa' ru'pu seri non po Sises uko'manto' iu'mat_u suntaakaai yau, kurusu' pona ipokapit_u'pu, miri awonsi'ki iye'm_u'sa'ka'pu terik_u'pu apai kuru.

Asa'ri na'ne' iu'ma'to' yau'ne, iwa'ku'pi'sa' na'ne' pi', t_uron ni ri, *Ma'* pen ni namenuka'pu tapi'pit_u.

Iyawon Ekamanin

Sises ekareei epiya'ti (1:1-13)

Annau Sises e'tarawasoma'pɥ Kiyarari po
 (1:14–9:50)
 Kiyarari ponsi'ki Surusiran pona (10:1-52)
 Iu'matɥ suntaakaai Surusiran po miri awonsi'ki
 ipiyau (11:1–15:47)
 Sises e'mɥ'sa'ka'pɥ teriku'pɥ apai (16:1-8)
 Iye'mɥ'sa'kasa' Itepuru usenpoikapitɥ'pɥ miri
 awonsi'ki iyenuku'pɥ (16:9-20)

Isaan Pa'tes Ekareei

(*Ma'siu 3:1-12; Ɔru' 3:1-18; Isaan 1:19-28*)

¹ Seri, seri wakɥ itekare epiya'ti Papa Mumu,*
 Sises Kɥrai pi'. ² Pu'kena' Aisaya karetaai yau
 iye'menukasa' na'ne':

“Umaimu ekamanin ennoko uya miri arawiri,
 iye'ma konekanin pe,”†

tawon.

³ “Rimono' tau ka'pon uki'pi'nɥnpitɥ,

'Itepuru e'ma ikonekati';

to'sa ri ite'ma ikonekati',’ ”‡

tawon. ⁴ Miri kasa si Isaan uyee'pɥ, pa'taisiman
 pi' rimono'ta nono yau miri awonsi'ki makoi apai
 era'tin epa'taisimato' makoi pi' usentu'man eka-
 reei ekama pi'. § ⁵ Tanporon kon ni Isutiya miri
 awonsi'ki eke pata Surusiran winon kon ni uti'pɥ
 ipiya'. Tamakooi kon ekama pi', miripan kon
 pa'taisima'pɥ iya Isotan tuna tau'tisen kau.

⁶ Isaan pon esi'pɥ kiyamerɥ i'po' konekasa',
 o' pi'pi konekasa' esi'pɥ ipokɥɥɥi pe iworo'pai

* **1:1** Tɥron ni ton imenukasa' yau, Papa Mumu tawon pɥra iyesi.

† **1:2** Mara'kai 3:1 ‡ **1:3** Aisaya 40:3 § **1:4** Tɥron ni
 ton imenukasa' yau, Isaan Pa'tes usenpoika'pɥ rimono' tau itekare
 ekama pi', tawon esi.

pi'. Kairau amu' miri awonsi'ki teusan e'ku pi' tenta'nasen pe iyese'pu. ⁷ Miri awonsi'ki se si esi'pu miri itekareei pe: “Uye'ma'pu pe iyepu miri ka'pon merunti kuru uyentaino, tuu'tii' isapatooi euka uya pokena' pen ni. ⁸ Apa'taisima uya 'nokon seri tuna ke, e'tane kari ri uya nin si apa'taisima kon miri Waku A'kwaru ke,” ta'pu iya.

Sises Esi'pu Epa'taisiman Pi', Se'tan Esi'pu I'tupitu Pi'

(Ma'siu 3:13–4:11; Uru' 3:21-22; 4:1-13)

⁹ Miri a'tai, Sises uyee'pu Nasare', Kiyarari yawon wini, miripan pa'taisima'pu Isaan uya Isotan kau. ¹⁰ Sises ekanwaka koro'tau tuna kapai, ka' uta'koka e'se'ne' pe ene'pu iya, miripan uya Ita'kwaru u'ti wako'wa kasa ene'pu tupo. ¹¹ Miri awonsi'ki main uyee'pu Epu awonsi'ki, “Umu imiri, uni'nunkanu; ipi' pori' pe e'ai' ipan pe,” tawon.

¹² Inke pu ra ri, Ita'kwaru uya ennoko'pu rimono' ta'. ¹³ Rimono' tau iyese'pu 40 kaisa ri wai, Se'tan* esi'pu i'tupitu pi'. Miri yau ri kanan ene amu' pokon pe iyese'pu, miripan ene pi' inseru amu' esi'pu.

Wapiyaro' Kon Tupoitoru Pe Te'ton Kon Ki'ma'pu Sises Uya

(Ma'siu 4:12-22; Uru' 4:14-15; 5:1-11)

¹⁴ Isaan a'sisa' to' uya tupo pariki'si ta', Kiyarari pona Sises uti'pu, waku Papa ekareei ekama pi'. ¹⁵ “Iweyu e'seposa' man, Papa e'to' esa' wanni pe

1:6 2 Kin Amu' 1:8 **1:11** Iseneses 22:2; Eren 2:7; Aisaya 42:1;
Ma'siu 12:18; Ma' 9:7 * **1:13** Se'tan—Makoi ese' isakon, Papa
eseru ewaruma'tinin ta e'kwa pe.

man a'ko pe! Amakooi kon apai era'titi', miri awonsi'ki itekare apuriti'!" ta'p_u iya.

¹⁶ Sises usari koro'tau parau ku'p_{iri} Kiyarari piyaw_{iri}, asa'ron kon moro' a'sinin nan ka'pon am_u' ene'p_u iya, Saiman, miri awonsi'ki iyakon Anturu pokon, t_upunwer_u kon yai moro' am_u' a'si to' uya esi'p_u. ¹⁷ Sises uya ta'p_u to' pi', "Upikiri isi'ti'. Ikonekato' kon pe uya ka'pon am_u' a'sinin nan pe," ta'p_u iya. ¹⁸ Miri pe ri, t_upunwer_u kon t_uninse to' uti'p_u ipikiri.

¹⁹ Inni iwa ru'kw_i itisa' a'tai, Isens ene'p_u iya, Sepiti mu miri awonsi'ki Isaan, iyakon kanau yau, t_upunwer_u kon konepit_u pi'. ²⁰ Oko pe p_ura ri, to' ki'ma'p_u iya, miripan kon uya tuk_uip_un_u kon miri awonsi'ki aka'ne' pe an_unsa' kon ipoitor_u ton pokon pe t_uninse kanau yau, to' uti'p_u ipikiri.

Makoi A'kwar_u Enpa'ka'p_u Sises Uya
(*Uru' 4:31-37*)

²¹ To' uti'p_u Ka'paneyan pona; Sapa' uye'sa' a'tai, Sises uti'p_u Esuwer_u am_u' usenupato' iw_u' ta'. Miri yau, to' enupa pi' iyepiya'ti'p_u. ²² Ka'pon am_u' usewansiuka'p_u enupan nito' iya pi', ap_une p_ura tenupa iya 'nokon pi' t_umeruntir_ukenan pe kuru ri, Main pi' enupanin nan kasa p_ura. ²³ Miri koro'tau, ka'pon, makoi[†] a'kwar_u yen pe te'sen miri yau Esuwer_u am_u' usenupato' iw_u' tau, uki'pi'n_uam_u'p_u, ²⁴ "Sises, Nasare' pon, i'ri pe ina ku'se'na iuye'sa'? Ina pe' ma'tan_u'se'na iuye'sa'? Kinyi'tuyai' imiri k_uri ri—Wak_u Ye' Papa Iwano'!" ta'p_u iya ipi'.

1:15 Ma'siu 3:2 **1:22** Ma'siu 7:28-29 † **1:23** makoi, miri pe p_ura iri, Kiri' maimu yau; v. 26-27 yau niri.

²⁵ “E'pana e'ki! Epa'kaki iyapai!” ta'p_u Sises uya e'se'ne' pe.

²⁶ Makoi a'kwar_u uya e'se'ne' pe ka'pon i'ki'ma'p_u, miripan epa'ka'p_u iyapai t_uupiror_uanse.

²⁷ Ka'pon am_u' usewansiuka'p_u, miripan kon usekama'popit_u'p_u tiwano' kon pe, “I'ri si seri? Emenna' usenupan nito'—merunti a'kiron! Makoi a'kwar_u ton ni apiyo'manin, miripan kon esi imaimu awiri!” ta'p_u to' uya.

²⁸ Itekareei uti'p_u inke p_ura kuru ri siya ri Kiyarari nono poro.

Tu'kan Kon Ni Epi'tipit_u'p_u Sises Uya

(Ma'siu 8:14-17; Uru' 4:38-41)

²⁹ Tapa'kasa' kon a'tai Esuwer_u am_u' usenupato' iw_u' tapai, to' uti'p_u Saiman miri awonsi'ki Anturu pata'se' ya'. Isens miri awonsi'ki Isaan pokon uti'p_u to' a'kiri. ³⁰ Saiman ewo'p_u esi'p_u e'kii'man pi', te'kwe' tau. Inke p_ura ri Sises uye'sa' a'tai, to' uya ekama'p_u ipi'. ³¹ Sises uti'p_u ipiya', itemiyat_u pi' ta'sii' i'm_u'sa'ka'p_u iya. Iye'kii'mato' ereuta'p_u, miripan uya to' m_uta'napa'p_u.

³² Pata uko'mansa' a'tai, w_ui enu pata'p_u pe, ka'pon am_u' uya tanporo ri takuru'kena' nan miri awonsi'ki makoi a'kwar_u yen ton nee'p_u Sises piya'. ³³ Tanporo ri miri pata yau te'san ka'pon am_u' am_ura'p_u m_ura'ta na'. ³⁴ Sises uya tu'kan kon ni takuru'kena' nan epi'tipit_u'p_u to' eparan apai'ne, miri awonsi'ki makoi a'kwar_u ton ni enno'pit_u'p_u iya. Makoi a'kwar_u ton usaurok_u i'se p_ura ri iyesi'p_u, ap_une p_ura to' uya ti'tu wenai.

Sises Ip_urema'p_u T_u'kenan Pata Yau

(Uru' 4:42-44)

³⁵ Awanakui' kuru, ewarupi pe ri mari pata e'tane, Sises e'mu'sa'ka'pu, miripan uti'pu iuti tapai tu'kenan pata ya' ipuremase'na. ³⁶ E'tane Saiman miri awonsi'ki itonpa ton uti'pu iwarinpase'na. ³⁷ To' uya eposa' a'tai, "Tanporon kon man awar-inpa pi'" ta'pu to' uya ipi'.

³⁸ Sises uya to' eiku'pu, "Turon ni airi eke iwa ton a'ko pa'nan pata ton ya' utinpai'nokon. Miri yau'ne kanan itekare ekamato' pe uya. Mirito' pe uye'sa' seri," ta'pu iya.

³⁹ Miripan uti'pu siya ri Kiyarari poro itekare ekama pi' Esuweru amu' usenupato' iwu' ton tau, miri awonsi'ki makoi a'kwaru ton ni enno'pitu'pu iya.

Ereku'pan Ka'pon Epi'ti'pu Sises Uya
(Ma'siu 8:1-4; Uru' 5:12-16)

⁴⁰ Ereku'pan‡ ka'pon uyee'pu Sises piya'. Tese'mu po esii'ma iyeta'kwanumu'pu ipi', "Inku'pai iwesi yau, waku pe ukupu auya," ta'pu iya.

⁴¹ Sises usentu'ma'pu§ ipi'. Temiyatu inka'pu iya, miripan uya a'pitu'pu. "Inku'pai ri e'ai'. Waku pe e'ki!" ta'pu iya ipi'. ⁴² Miri a'tai ri, ka'pon ereku usepi'ti'pu, miripan ena'pu waku pe ri. ⁴³ Sises uya inke para ennoko'pu ipanama tupo se tukai', ⁴⁴ "Inu' pi' ri seri kusekamai, e'tane enta isenpoikata Papa ena' use'man nito' tarawasomanin ena', miri awonsi'ki iuse'mato'

1:39 Ma'siu 4:23; 9:35 ‡ **1:40** Ereku'pan, miri pe para Leper, Enkeri'si pe. Kiri' maimu yau utapuripitu'pu tu'kan ni pi'pi eparan ese' pe, leprosy kuru pen ni pi'. § **1:41** Turon ni ton imenukasa' yau, usakorota'pu tawon esi.

pe te'sen, Mosi' uya tasa' na'ne' awiri maturu'i, iyekorakasa' ekamanin pe to' pi'," ta'pua iya.

⁴⁵ E'tane kuri ri ka'pon uti'pua siya ri itekareei ekamase. Miri moron nua'pua pe Sises epa'ka poken pua ri iyese'pua eke iwa pata ton ya'ne, e'tane ri ka'pon amua' uye'pitu'pua mi'tapai'ne ri ipiya'.

2

Ipu'tika'sa' Ka'pon Epi'ti'pua Sises Uya (Ma'siu 9:1-8; Eru' 5:17-26)

¹ Emennua'pua po iwa ri, Sises enna'po'pua Ka'panyan pona. Miri a'tai, tupa'ta'se' ya' iyenna'posa' man tawon useta'pua. ² Tu'ke ri ka'pon amua' amua'pua, pata oton pua ri pata tuku'se mura'ta airi'ne ri. Sises esi'pua itekare ekama pi' to' pi'. ³ Miri a'tai, asakiri'nan kon ka'pon amua' uya ipu'tika'sa' ka'pon nee'pua ipiya'. ⁴ Apune pua anpisin pe ka'pon amua' esi pi' itaru tuuya'nokon poken pua Sises piya', iteuta koneka'pua to' uya iuti nakapu yai Sises epoi, miri awonsi'ki aka tukon po, ka'pon ipu'tika'sa' nu'ti'pua to' uya iyapon po ri. ⁵ Sises uya to' uya apurito' ene'pua, miripan uya ipu'tika'sa' ka'pon pi' ta'pua, "Mooi, amakooi pi' usentu'masa' man," ta'pua iya.

⁶ Miri yau tereutai' te'san, Main pi' enupanin nan usenuminka'pua tiwano' kon pe, ⁷ "Iri pe iyese pi' miri kasa Papa sapema pe ri isauroku? Inu' ri sa'ne makoi pi' tausentu'masen pua ri iyese miri ko, Papa riken!" ta'pua to' uya.

⁸ Miri a'tai ri, Sises uya ta'kwarua yau i'tu'pua to' usenuminka tewan kon yau, miripan uya ta'pua to'

pi', "F'ri pe iyese pi' miri kasa iusenuminka kon?
 9 Nai esi sa'man pe p̄ra iwa p̄se ri ipu'tika'sa' pi' tato'; 'Amakooi pi' usentu'masa' man,' ta, miri pe p̄ra, 'Te'm̄'sa'kai' ayapon tan̄se enta,' ta?
 10 Seri pe enpoika uya si seri non po, Ka'pon, Papa winon piyau merunti esi makoi pi' usentu'man nito'," ta'p̄ iya, miripan uya ipu'tika'sa' ka'pon pi' ta'p̄, 11 "Ta uya ipi', e'm̄'sa'ka', ayapon an̄nki, enna'po' apata'se' ya!" ta'p̄.

12 To' uya ri enpi'tane ka'pon e'm̄'sa'ka'p̄, tapon an̄m̄'p̄ iya, miripan uti'p̄. Ipan pe ri to' usewansiuka'p̄, miripan kon uya Papa apurip̄it̄'p̄, "Seri waraino ensa' uya'nokon p̄ra ri man!" tai'ma.

*Ripai K̄'ma'p̄ Sises Uya T̄poitor̄ Pe
 (Ma'siu 9:9-13; F̄ru' 5:27-32)*

13 Sises enna'poka'p̄ kanan parau ku'p̄iri e'pi pona. Anp̄sin pe ka'pon am̄' uyee'p̄ ipiya', miripan kon enupa pi' iye'sara'ti'p̄. 14 Isari koro'tau, p̄rata am̄ran̄'nin, Ripai, Ar̄'piyas mu ene'p̄ iya, iyereutasa' p̄rata am̄ran̄'to' iw̄' tau. Sises uya ta'p̄ ipi', "Uya'kiri isi'ki," miripan Ripai e'm̄'sa'ka'p̄, iti'p̄ iya'kiri.

15 Sises esi koro'tau enta'nan pi' Ripai iw̄' tau tu'kan kon ni p̄rata am̄ran̄'nin nan miri awonsi'ki t̄makooikena' nan esi'p̄ enta'nan pi' ipokon pe, miri awonsi'ki ipoitor̄ ton pokon pe ri, ap̄ne p̄ra tu'ke ri ip̄ikiri to' esi ke. 16 Main pi' enupanin nan tonpa ton, Pari'si am̄' pe te'san uya Sises enta'na ene'p̄ p̄rata am̄ran̄'nin nan miri awonsi'ki t̄makooikena' nan pokon pe, miripan

kon uya ipoitoru ton ekama'po'pu, "I'ri pe iyese pi' kamoro rupi pokon pe iyenta'na?" ta'pu.

¹⁷ Sises uya to' eta'pu, miripan kon eiku'pu iya, "Atu' pe te'san ka'pon amu' esi miri ta'ta i'se para ri, e'tane kamoro takuru'ke te'san niken esi i'se. Uye'sa' seri ipokena' ton ni ka'pon amu' ki'mase'na pen, e'tane tumakooikena' nan niken," ta'pu iya.

I'ri Pe Iyese Pi' Useruman?

(Ma'siu 9:14-17; Uru' 5:33-39)

¹⁸ Isaan Pa'tes miri awonsi'ki Pari'si amu' poitoru ton useruma esi'pu tenta'nai' para. Turon kon ka'pon amu' uyee'pu Sises piya' ekama'pose'na, "I'ri pe iyese pi' Isaan Pa'tes poitoru ton miri awonsi'ki Pari'si amu' poitoru ton useruma tenta'nai' para, e'tane ipoitoru ton useruma para ri iyese?" ta'pu to' uya.

¹⁹ Sises uya to' eiku'pu, "Nai kasa warawo' temari'masen naki'ma'san useruma tenta'nai' para tuiyau'nokon ni iye'tane? To' useruma para iyese tuiyau'nokon iye'tane. ²⁰ E'tane iweyu e'sepoto' oton warawo' temari'masen emo'kato' oton to' piyapai; miri wai a'tai nin si, to' useruma miri tenta'nai' para.

²¹ "Inu' uya ri emenna' pon ke ipooi'pi pon a'si'ti para ri iyese miri. Miri kasa iyese yau, emenna' pon uya ipooi'pi pon karaka eke pe ri iteuta taku'se.

²² Inu' uya ri emenna' waain enti para ri iyese miri ipooi'pi iten ya'. Miri kasa iyese yau, asa'ri ri nin si ima'ta miri. Emenna' iten esi emenna' waain yen pe," ta'pu iya.

Sapa' Eseru Ekama'popitu

(Ma'siu 12:1-8; Uru' 6:1-5)

²³ Taron ni Sapa' a'tai, Sises uti esi'pu a'nai' e'kwa nawiri. Tauti'ma'nokon ipoitoru ton uya a'nai' e'suruupi'sa' i'kwi'pitu'pu. ²⁴ Pari'si amu' uya ta'pu ipi', "Apune enki, i'ri pe iyesi pi' Main uya tuku'sen pen Sapa' a'tai tasa' ru'pu kupu to' uya?" ta'pu.

²⁵ Sises uya to' eiku'pu, "Etanin nan pen pe' imiri'nokon Tepi' nukupu'pu tapoitoru ton pokon pe, iwan pe tesi kon pi' tenta'nato' kon i'se tesi kon a'tai? ²⁶ Miripan uti'pu Papa iwu' ta', miripan enta'na'pu ipuremasa' pareti pi'. Seri e'kupu'pu Apiya'ta, Papa ena' use'man nito' tarawasomanin nan epuru a'tai. Use'man nito' tarawasomanin nan niken nikunu Main uya tasa' awiri. E'tane Tepi' enta'na'pu ipi', miri awonsi'ki tatonpa ton ni niri repapitu'pu iya," ta'pu iya.

²⁷ Miripan Sises uya ta'pu, "Sapa' ekonekasa' ka'pon iwano' pe, ka'pon ekonekasa' pen Sapa' iwano' pe. ²⁸ Miri uriya', Ka'pon, Papa winon esi Sapa' Epuru pe ri," ta'pu iya.

3

Ka'pon Iyaiputasa' Itemiya (Ma'siu 12:9-14; Uru' 6:6-11)

¹ Taron ni a'tai Sises uti'pu Esuweru amu' usenupato' iwu' ta'. Miri yau, ka'pon iyaiputasa' amurasa' itemiyatu esi'pu. ² Taron kon esi'pu Sises eseru'tito' tuya'nokon iwenai kupu iya ene i'se, miripan kon uya a'ko pe esii'ma enpitu'pu, Sapa' a'tai pe' epi'ti iya tukai'. ³ Sises uya ta'pu ka'pon iyaiputasa' amurasa' itemiyatu pi', "E'mu'sa'ka'

tanporon kon rau,” ta'p_u iya. ⁴ Miripan uya ka'pon am_u' ekama'po'p_u, “Nai esi Main, Mosi' winon awiri Sapa' a'tai tuku'sen pe: waku kup_u, miri pe p_ura iri kup_u kati? Ka'pon pika'ti ima'ta namai', miri pe p_ura iwini kati?” ta'p_u iya. E'tane e'pana to' esi'p_u.

⁵ Sises usakorota uya to' enpit_u'p_u, ipan pe ri ipokoitai'ma ri mari, ap_une p_ura sa'man pe ri to' ewan esi pi', miripan uya ta'p_u ka'pon pi', “Iyemiyatu inka!” Inka'p_u iya, miripan emiyatu enna'po'p_u tesi'p_u ya'. ⁶ Miri a'tai, Pari'si am_u' uya t_usenupato' kon iw_u' nimi'p_u, miripan kon e'seporo'p_u kin pe te'sen, Era' tonpa ton pokon pe, miripan kon ekoneka'p_u Sises wito' pe t_uuya'nokon pi'.

Anpisin Esi'p_u Parau Ku'p_uri E'pi Po

⁷ Sises miri awonsi'ki ipoitor_u ton uti'p_u parau ku'p_uri ka'. Tu'ke ri anpisin Kiyarari winon kon uti'p_u ipikiri. ⁸ P_usamoro uyee'p_u Isutiya wini, Surusiran wini, Itumiya wini, Isotan ratoi nono wini, miri awonsi'ki Taya miri awonsi'ki Saitan nono wini'ne. Anpisin ton ni uyee'p_u Sises piya', ap_une p_ura inkup_u etasa' t_uuya'nokon pi'. ⁹ Ap_une p_ura anpisin pe ri to' esi pi', Sises uya t_upoitor_u ton auro'ka'p_u kanau epoto' pe to' uya tekanwa'tito' ya' ka'pon am_u' uya tu'ke ri t_uu'na'ti namai'. ¹⁰ Tu'kan kon ni epi'tisa' iya pi', tanporon kon ni takuru'kena' nan uyee'p_u t_uuta'tu'mapi'se ri a'pi'se'na. ¹¹ Makoi* a'kwar_u yen ton uya ensa' a'tai, to' uta'mo'kapit_u'p_u irakui', miripan

3:10 Ma' 4:1; Ɔru' 5:1-3
maimu yau; v. 30 yau niri.

* **3:11** Makoi, miri pe p_ura Iri, Kiri'

kon upirorɔnpitɔ'pɔ, “Imiri ri kɔri Papa Mumu!” ta'pɔ to' uya.

¹² Sises uya e'se'ne' pe makoi a'kwarɔ yen ton panama'pɔ, kɔri ri kɔri ri ta to' uya namai' tɔpi'.

Sises Uya Tɔpoitorɔ Ton Anɔmɔ'pɔ
(Ma'siu 10:1-4; Ɔru' 6:12-16)

¹³ Sises uti'pɔ wɔ' pona ri, miripan uya kamo i'se te'to' ton ki'ma'pɔ, miripan kon uyee'pɔ ipiya',
¹⁴ miripan kon anɔmɔ'pɔ iya 12 kaisa ri. To' koneka'pɔ iya itekare ekamai' enno'sa' kon pe, tɔpiyau to' e'to' pe miri awonsi'ki to' enno'to' pe tɔuya itekare ekamase'na, ¹⁵ tɔmeruntirɔ ke to' e'to' pe makoi a'kwarɔ enpa'kapi'nin nan pe.

¹⁶ Pɔsamoro si inanɔmɔ'san 12 kaisaron kon: Saiman (Pi'ta tukai' inese'ti'pɔ); ¹⁷ Isens miri awonsi'ki Isaan, Sepiti munki amɔ' (Powanoses tukai' to' ese'ti'pɔ iya, Korɔme Munki ta e'kwa pe); ¹⁸ Anturu, Piri', Pa'taramiu, Ma'siu, Tamas, Isens Arɔ'piyas mu, Tatiyas, Saiman Usera' tukai' tesa'sen,† ¹⁹ Isutas Eskariya', eparankanin pe iyesi'pɔ na'ne'.

Sises Miri Awonsi'ki Piri'sipupɔ
(Ma'siu 12:22-32; Ɔru' 11:14-23; 12:10)

²⁰ Sises ewomɔ'pɔ iuti ta'. Anpisin ni kanan amarakaa'pɔ Sises miri awonsi'ki ipoitorɔ ton enta'nato' a'tai pɔra ri. ²¹ Seri etasa' itonpa ton uya a'tai, ikan to' uti'pɔ, arɔne pɔra ka'pon amɔ' uya, “Itano'masa',” ta pi'.

²² Tɔron kon Main pi' enupanin nan Surusiran wini iye'sa' kon uya ta'pɔ, “Piri'sipupɔ‡ esi miri

† **3:18** Usera'—Roman amɔ' enapai temo'ka kon i'sero'. ‡ **3:22** Piri'sipupɔ - futi epuru ta e'kwa pe, Makoi ese' isakon.

iyau. Makoi am_u' epuru wini makoi a'kwar_u ton enpa'kapit_u iya miri," ta'p_u.

²³ Miri uriya', Sises uya ka'pon am_u' ki'ma'p_u t_upiya'. Miri yau, panton ekama'p_u iya to' pi': "Nai kasa Se'tan[§] niri enpa'ka Se'tan uya tukai'?

²⁴ Esa' wann_i ton epantakapi'sa' yau, tiwano' pe ri isewa'nomai' to' uko'mam_u pen ni miri. ²⁵ Isiwa' tau te'san epantakapi'sa' pe iyesei yau, tiwano' kon pe isewa'nomai' kamoro uko'mam_u pen ni miri.

²⁶ Miri awonsi'ki tiwano' pe ri Se'tan usewa'noma yau miripan epantakapi'sa', moro iko'mam_u pen ni miri; iu'ma'to' ri e'seposa'.

²⁷ "In_u' ri ewom_u p_ura iyesei miri pana'pan ka'pon iw_u' ta' tanporo itapuruui e'ma'tise'na, wapiya auronpi'sa' iya a'tai ri'ken; miri a'tai nin si, itimamin ari iya itiw_u' tapai.

²⁸ "T'napairon ekama uya ipi'nokon, tanporon ni ka'pon am_u' makooi, isapema pe ri to' usauro'sa' ru'p_u pi'* usentu'man. ²⁹ E'tane in_u' ri k_uri isapema pe Wak_u A'kwar_u pi' isauro'sa' pi' usentu'man p_ura ri iyesei miri, ap_une p_ura siyaro' pe ri iye'makoimasa' miri," ta'p_u iya.

³⁰ Sises uya seri ta'p_u, t_uron kon uya, "Makoi a'kwar_u esi iyau," tasa' pi'.

Sises San Miri Awonsi'ki Iyakon Non

(Ma'siu 12:46-50; Uru' 8:19-21)

³¹ Miri a'tai, Sises san miri awonsi'ki iyakon non uyee'p_u. Te'soto'pi'se p_uroroi po iki'manin

3:22 Ma'siu 9:34; 10:25 **§ 3:23** Se'tan—Makoi ese' isakon, Papa eseru ewaruma'tinin ta e'kwa pe; v. 26 yau niri. * **3:28** T_uron ni imenukasa' ton, isapema pe ri to' usauro'sa' ru'p_u pi' Papa pi', tawon esi. **3:29** Uru' 12:10

ennoko'p_u to' uya. ³² Anpisiin ton ni ereutapi'sa' esi'p_u Sises woi, miripan kon uya ipana'ti'p_u, "Asan miri awonsi'ki ayakon non esi p_uroroi po awarinpa pi'," ta'p_u to' uya.

³³ Sises uya to' ekama'po'p_u, "Inu' si usan? Inu' yan si uyakon non?" ta'p_u iya. ³⁴ To' si ene'p_u iya, ka'pon am_u' ereutapi'sa' t_uwoi, miripan uya ta'p_u, "P_usamoro usanon miri awonsi'ki uyakon non. ³⁵ Inu' ri Papa e'to' i'se ku'nin esi miri uyakon pe miri awonsi'ki uparusi pe miri awonsi'ki usan pe," ta'p_u iya.

4

Umi Pi' Te'sen Pantom_u (Ma'siu 13:1-23; Uru' 8:4-15)

¹ Sises kanan e'sara'tikaa'p_u to' enupa pi' pa-rau ku'p_uri piyau. Anpisiin ton ka'pon am_u' iwoi iyam_urasa' kon esi'p_u tu'ke ri. Miri pi', iyekanwa'ti'p_u kanau ya' ereutai' parau ku'p_uri kau, tanporo ka'pon am_u' e'tane a'mun po, tuna e'pi po. ² Tu'kan pi' ri to' enupa'p_u iya panton yai. To' enupa t_uyua yau, ta'p_u iya to' pi':

³ "Ap_une etati! Umi pi' te'sen uti'p_u kiyari ye' pinse'na t_upa'karakai'. ⁴ Ipa'karaka iya koro'tau, t_uron ni ton uta'poku'p_u asanta ta'. Toron am_u' uyee'p_u miripan kon uya iku'p_u. ⁵ T_uron ni ton uta'poku'p_u ti' pe te'sen ya', eke pe p_ura te'sen non ya'. Inke p_ura iya'ta'p_u, ap_une p_ura i'nau p_ura non esi ke. ⁶ E'tane w_ui enu enu'sa' a'tai, a'ne' pe ipuru'p_u iya miripan aip_uta'p_u, ap_une p_ura imi' ton uti'p_u sa' p_ura iyesi wenai. ⁷ T_uron ni ton ite' ton uta'poku'p_u tik_ukenan nu'ta'. Iya'ta'p_u, miripan

e'tane iwitanukū'pū iya, miripan epeta'pū pen ni.
 8 Miri e'tane ri, taron ni ton uta'pokū'pū wakū non
 ya', miripan uwa'ta'pū, miripan epeta'pū taron ni
 ton esi'pū 30 kaisa ri ite'kwa iteperu, taron ni
 60, miri awonsi'ki 100 kaisari ri ite'kwa e'to' airi
 inpimi'pū entai ri," ta'pū iya.

9 Miri a'tai Sises uya ta'pū, "Kuri tūpana ke na'ne'
 etato' ike, tiwi netai," ta'pū.

10 Sises esi koro'tau tikin sari, isaurokū
 etanin nū'san uyee'pū ipoitorū ton pokon pe
 ekama'pose'na, i'ri ta iya e'kwa pe iyesei tukai'.

11 To' pi' ta'pū iya, "Ama' aino Papa e'to' esa' wannī
 pe e'tusa' iyena'nokon. E'tane kamoro mi airon
 kon pi' tanporon ni usekama panton yai,

12 "to' uya ri enpitu miri e'tane wakū pe to' uya ene
 pen ni,

to' uya ri eta miri ito'ka'nukūi'ma pūra ri.

Miri kupū to' uya pe iyesei yau, to' era'ti ne-
 sii'no Papa winikūi', miripan kon pi' nin
 nūsentu'mai'no.*

tasa' iya."

13 Miri a'tai, Sises uya ta'pū to' pi', "Seri pe' pan-
 ton to'ka'nukū auya'nokon pūra ri iyesei? I'ri kasa
 ken si taron ni panton to'ka'nukū kon pa? 14 Umi
 pi' te'sen uya Papa Maimu pa'karaka. 15 Taron
 kon ka'pon amū' esi ite' ipa'karakasa' uta'po'sa'
 asanta ta' kasa. Eta to' uya pe ri, Se'tan† uyepū
 Main mo'kase'na to' ya' ipa'karakasa'. 16 Taron
 kon ka'pon amū' esi ite' ton ti' pona ita'po'sa'
 kasa. Main eta tūuya'nokon a'tai, inke pūra ri
 to' uya anūmū tepori'ma kon pe. 17 E'tane to'

* 4:12 Aisaya 6:9-10 † 4:15 Se'tan—Makoi ese' isakon, Papa
 eseru ewaruma'tinin ta e'kwa pe.

mi' p̄ra to' esi, inke to' uko'mam̄ p̄ra iyese. I'ri ri anpok̄umanin miri pe p̄ra kota'manin uye'sa' a'tai main uriya', inke p̄ra to' e'nonka ipiyapai. ¹⁸ Miri e'tane ri, t̄ron kon ka'pon am̄' esi miri ite' tik̄ekenan n̄'ta' ipa'karakasa' kasa, main etanin nan, ¹⁹ e'tane t̄uko'manto' kon pi' t̄usewankamasan, ip̄rataa'ike' pe e'n̄ito' nenku'tin̄ ton, miri awonsi'ki t̄ron ni ton ni i'se to' e'to' uya main iwitan̄k̄. Miri uya nin si iyepeta p̄ra ikup̄. ²⁰ T̄ron kon nin si esi miri ite' wak̄ non ya' ipa'karakasa' kasa. To' uya main eta, miri awonsi'ki to' uya ri an̄m̄, miripan kon epeta 30, 60, miri awonsi'ki 100 kaisari ri ite'kwa ipa'karakasa' r̄'p̄ entai ri," ta'p̄ iya.

Raan'pu P̄sau O'non

(Uru' 8:16-18)

²¹ Ta'p̄ iya to' pi', "In̄' ri pe' raan'pu ewonn̄'nin p̄sau o'koi' it̄ato' pe t̄uya, miri pe p̄ra e'n̄an n̄ito' apon o'koi' ri? E'tane ru'ku, itapon pona pe' it̄nin pen imiri? ²² Ap̄ne p̄ra onansa' pe te'sen e'n̄iponkato' pe ri iyese; iwapu'tisa' pe te'sen epa'ka kipo'pona. ²³ K̄ri t̄apana ke na'ne' etato' ike, tiwi netai!" ta'p̄ iya.

²⁴ Ta'p̄ iya kanan to' pi', "Inetan̄ kon pi' wak̄ pe isenuminkati'. I'tuto' auya yai pe ri inkup̄'p̄ yai iyena' i'tu miri—miri entai ri. ²⁵ In̄' ri itesa' pe te'sen repa miri miyari ri. In̄' ri i'ri esa' pen ni enapai imo'ka miri, itenawon n̄'kw̄i ri," ta'p̄ iya.

Ta'tasen Itena'pi Pantom̄

4:21 Ma'siu 5:15; Uru' 11:33 **4:22** Ma'siu 10:26; Uru' 12:2 **4:24**
Ma'siu 7:2; Uru' 6:38 **4:25** Ma'siu 13:12; 25:29; Uru' 19:26

26 Sises uya kanan takaa'p_u, “Papa e'to' esa' wann_i pe esi miri ka'pon kiyari ye' pinnin t_upa'karakai' t_umainar_u yau kasa. 27 Iye'n_uantane ri ewarupi nau, ipakasa' ri e'tane w_ui nai, kiyari ye' ri a'ta miri, i'ri kasa iye'sa' tukai' i'tu iya p_ura ri iyesi. 28 Non uya ri iya'tato' pe ikup_u, miri awonsi'ki iyepetato' pe ri niri ikup_u iya: wapiya ite' pe te'ton epa'ka; miri t_upo, i'pai, miri awonsi'ki nin si iyi ton utaka. 29 Iyak_u'p_usa' a'tai nin si, iye'sara'ti miri e't_urawasoman pi' a'tito' t_uuya t_umariyar_u, si'kuru tato' ke, ap_une p_ura an_unto' weyu e'seposa' pi',” ta'p_u iya.

Mosta' Itese' Kiyari Ye' Ena'pi Pantom_u

(Ma'siu 13:31-32, 34; Uru' 13:18-19)

30 Takaa'p_u iya kanan, “I'ri kasa Papa e'to' esa' wann_i pe esi ta? I'ri rupi panton ekama, ekamanin pe? 31 Mosta' ena'pi, aiko ru'kw_i kuru kasa iyesi, inpimin_u non ya'. 32 E'tane ipinsa' a'tai, iya'ta miri eke pe ri t_uron ni ye' ton umi yawon entai ri. Eke ton pe ri ipanta ton esi toron am_u' ri esi iti'n_u'kenan_u yau,” ta'p_u iya.

33 Sises uya tekareei ekama'p_u ka'pon am_u' pi' tu'kan ni seri warai'nan panton yai'ne, to' uya ito'ka'n_uk_u poken. 34 Panton tapurii' p_ura to' auro'ka iya poken p_ura ri iyesi'p_u. E'tane t_upoitor_u ton pokon pe tesi a'tai t_ikin sari, miri ta iya e'kwa pe iyesi tukai' ekama'p_u iya to' pi'.

Sipa'sipa Ereutan_uk_u'p_u Sises Uya

(Ma'siu 8:23-27; Uru' 8:22-25)

35 Miri ko'mamiri pe ri, Sises uya, “Iratoi pona utinpai'nokon,” ta'p_u t_upoitor_u ton pi'. 36 Anpisin

ton ka'pon amu' nimi'pu to' uya. Sises e'to' iyau kanau ya' ipoitoru ton ekanwa'ti'pu, miripan kon uya ari'pu. Taron ni ton ni kanau amu' esi'pu moro. ³⁷ Pana' pe ri a'setun uyee'pu, sipa'sipa uya eke pe tuna anuku'pu kanau yau, isemu'nuku poken ni tuku'se. ³⁸ Sises esi'pu e'nun ni pi' iyau yau, eke'nan tapon po. Ipoitoru ton uya enpaka'pu, miripan pi', "Ti'sa, ina pe' aputa pi' iusewankama pu'ra ri iyese miri?" ta'pu to' uya.

³⁹ Sises e'mu'sa'kasa' uya a'setun eseremeku'pu, "E'paka'ki!" miri awonsi'ki sipa'sipa pi', "E'tutuka!" ta'pu iya. Miri a'tai ri, a'setun ereuta'pu, miri awonsi'ki waku pe ri pata ena'pu.

⁴⁰ Tupoitoru ton pi' Sises uya ta'pu, "Iri pi' iyenari'numu kon? Anapurinu kon pu'ra ri mari pe' iyese miri?" ta'pu iya.

⁴¹ E'tane to' etai'pi'sa' esi'pu, "Inu' ri si pu'se ri ka'pon?" tukai' to' usekama'popitu'pu. "A'setun miri awonsi'ki sipa'sipa ri e'to' imaimu awiri!" ta'pu to' uya.

5

Makoi A'kwaru Yen Ka'pon Epi'ti'pu Sises Uya (Ma'siu 8:28-34; Uru' 8:26-39)

¹ Kerasin* amu' nono pona to' uti'pu, parau ku'piri ratoi pon kon. ² Sises ekanwakasa' koro'tau, ka'pon uruwai' apai iyepa'kasa' uya eporo'pu. Pu'se ri ka'pon yau makoi† a'kwaru esi'pu, ³ miripan uko'mansa' esi'pu uruwai'

* **5:1** Taron ni ton inmenukasa' uya Katarens ta; taron ni ton inmenukasa' uya Kerukesens ta. † **5:2** makoi, miri pe pu'ra iri, Kiri' maimu yau; v. 8, 13 yau ri niri.

koro'tau, inu' uya ri tauronpi'se enkurunpa poken para ri iyenaka'sa' esi'pu, i'sen ke ri auronpitu poken para ri. ⁴ Inke ri i'ta ton miri awonsi'ki itemiyatu ton auronpitu'pu to' uya esi'pu i'sen amu' ke, e'tane ri miri ton ni i'kiripitu'pu iya, miri awonsi'ki wa'ka pun ni ti'ta pi' te'sen a'morupitu'pu iya. Inu' uya ereutanuku poken para ri, ipan pe ri pana' pe iyese'pu. ⁵ Ewarupi' tau miri awonsi'ki wai nai ri usarin pi' iyese'pu uruwai' miri awonsi'ki wai poro'ne ri, uki'pi'nunpi' ni pi' ri, tiwano' pe ri uta'tipi' ni pi' ti' ke.

⁶ Innonsi'ki Sises ensa' tauya a'tai, iyeka'tumu'pu, miripan e'sekunka'pu irau. ⁷ Miripan uki'pi'namu'pu eke pe ri, "Sises, eke Papa Mumu, i'ri pe ukupu i'se me'an? Papa pi', 'Ikota'ma uya pen,' ka'ki!" ta'pu iya. ⁸ Seri ta'pu iya, apune para Sises uya makoi a'kwaru pi', "Puse ka'pon yapai epa'kaki!" tasa' pi'.

⁹ "Inu' iyese'?" ta'pu Sises uya ipi'.

"Anpisin ton kuwayau amu' uyese'," tukai' eiku'pu iya. ¹⁰ Ipan pe ri Sises pawana'ti pi' iyese'pu miri pata yapai iri a'kwaru ton ennoko iya namai'.

¹¹ A'ko pe ri tu'kan kon ni peiruku amu' esi'pu enta'nan pi' i'kuru po. ¹² Sises pawana'ti'pu iri a'kwaru ton uya peiruku amu' ya' tenno'to' kon pe iya. ¹³ To' nin si utito' pe ikupu'pu iya miri. Iri a'kwaru ton nin si uti'pu miri ka'pon yapai peiruku amu' ya'. Tanporo ri nin si, 2,000 e'to' airon kon peiruku amu' e'turu'kwa'pu, miripan kon aputa'pu parau ku'puri ka'.

¹⁴ To' pa'sima pi' te'san ka'pon amu' eka'tumu'pu pata pona itekareei ekamase'na, umi yau'ne ri

te'san pana'ti'p_u to' uya. Iye'ku'sa' ru'p_u ense'na ka'pon am_u' uti'p_u. ¹⁵ To' uyee'p_u Sises piya', miripan kon uya kari ri anpisin kuwayau makoi a'kwar_u yen pe te'sen ka'pon ene'p_u iyepontisa', iyereutasa' esi'p_u, wak_u pe iya'kwar_u. Tanporo enari'ke' pe to' ena'p_u miri pi'. ¹⁶ Kamoro enin nu'san uya ka'pon am_u' pana'ti'p_u iye'ku'sa' makoi a'kwar_u yen ka'pon pi' miri awonsi'ki peiruku am_u' pi' ri niri. ¹⁷ Miripan kon uya Sises ekama'po'p_u itito' pe tunono kon apai.

¹⁸ Sises ekanwa'ti koro'tau kanau ya', makoi a'kwar_u yen nu'p_u ka'pon uya ekama'po'p_u, “Aya'kiri uti'ya,” ta'p_u iya. ¹⁹ E'tane Sises esi'p_u iti i'se para, e'tane, “Enna'poki apata ya', itonpa ton koro'ta'. Eke pe ri Itepuru nukup_u'p_u ipi' isentu'masa' ekamata,” ta'p_u iya.

²⁰ Miripan uti'p_u tanporo Te'ka'pores‡ poro, Sises nukup_u'p_u tupi' ekama pi', miri pi' tanporon kon usewansiuka'p_u.

*Iyeri'sa' Uri'san Mure, Takuru'kenan Uri'san
(Ma'siu 9:18-26; Uru' 8:40-56)*

²¹ Sises enna'po'p_u iye'kwiritu'p_u parau ku'p_{iri} ratoi pona. Miri yau parau ku'p_{iri} ka'ta po, anpisin pe ri to' amura'p_u iwoi. ²² Isairas, Esuwer_u am_u' usenupato' iwa' epuru uyee'p_u, miripan Sises ensa' tauya a'tai ita'mo'ka'p_u ita piya'. ²³ Miripan ipan pe ri ipawana'ti'p_u iya, “Aiko ru'kw_i uyensi man takuru'ke, iyeri'kap_u ri. Apune isi'ki, iyemiyatu inonkatan'ki ipona, miripan usepi'tito' pe iyeriku namai,” ta'p_u iya.

‡ 5:20 Te'ka'pores—10 Kaisaron Eke Pata Ton ta e'kwa pe iyesi.

24 Miripan Sises e'sara'ti'p_u iya'kiri. Miri a'tai, tu'kan kon ni ka'pon am_u' uti'p_u iya'kiri, to' uya iwonti'p_u sen wini'ne ri.

25 Miri yau, uri'san esi'p_u 12 kaisa ri w_upiya man ennoko pi' iko'mansa'. 26 Tu'kan kon ni ta'ta am_u' uya epi'ti tane, t_up_urataai ri enno'tane iya to' e'ma pi', e'tane t_usepi'ti pe ekama tane iya, miyari ri ipan pe ri iyena'p_u. 27 Miripan uya r_u'kw_i Sises eta'p_u, iyee'p_u anpsin ton koro'tau ite'ma'p_u pe. 28 "Ipon n_u'kw_i ri a'pi'sa' uya yau, usepi'ti ri miri," ta'p_u iya ti'nau r_u'kw_i ri.

29 Ipon a'pit_u'p_u iya, miripan man t_utisen ereuta'p_u miri a'tai ri. E'ne' pe iye'to' anpokamanin usepi'ti'p_u.

30 Miri a'tai ri, Sises uya t_umeruntir_u epa'ka'p_u i'tu'p_u, miripan era'tipit_u'p_u anpsin koro'tau, miripan uya ta'p_u, "In_u' upon a'pit_u?" tai'ma.

31 Ipoitor_u ton uya eik_u'p_u, "Ene auya p_ura pe' nai ka'pon am_u' uya iwontisa'? I'ri pe iyesi pi', 'In_u' uya'pit_u?' ta auya?" 32 E'tane ri Sises uya tenu t_upit_u'p_u, in_u' uya iku'sa' tukai'.

33 Miripan uri'san uya i'tu'p_u t_upi' iye'ku'sa', miripan uyee'p_u e'tititi'kai'ma ri tenari'n_um_u ke. Ita'mo'ka'p_u i'ta piya', miripan uya tanporo ri i'napairon ekama'p_u ipi', t_upi' iye'ku'sa' r_u'p_u.

34 Sises uya ta'p_u ipi', "Ma'non, anapurin_u uya ri ikonekasa' miri wak_u pe. Enta si t_usewankamai' p_ura, iusepi'tisa' si miri iyewankamanin apai," ta'p_u iya.

35 Miri koro'tau, Isairas pana'tinin nan uyee'p_u itiw_u' tawonsi'ki, miripan kon uya ta'p_u, "Iyensi

eri'ka'sa' man. Ti'sa ri kusanpokumai," ta'pua to' uya.

³⁶ Sises esi'pua to' maimu inetapai para ri, e'tane ta'pua iya ipi', "Kenari'nama, e'tane apuriki riken," ta'pua iya.

³⁷ Miripan inua' ri uti i'se para iyese'pua ta'kiri, Pi'ta, Isens miri awonsi'ki iyakon Isaan niken.

³⁸ To' uyee'pua itepuru iwua' ta', miri yau Sises uya tautano'masan eke pe ri ene'pua, pokoi pe ri tukipi'nunpi'se ri tukaransan eta'pua. ³⁹ Miripan ewomua'pua, ta'pua iya to' pi', "I'ri pe iyese pi' tanporo ri autano'ma kon seri? I'ri pi' aukarama kon? Mure eri'sa' pen, iye'nunna riken," ta'pua iya. ⁴⁰ Miripan kon e'sara'ti'pua uta'kirin pi' ipi'.

Tanporo to' enpa'ka'pua iya, mure kuirunna miri awonsi'ki isan miri awonsi'ki osoruwawon kon niken tapoitoru ton pokon pe iyewomua'pua mure eri'sa' pata'se' airi. ⁴¹ Miripan uya i'mua'sa'ka'pua itemiyatu pi' ta'sii', "Tari'ta kun!" ta'pua iya ("Uri'san mure, e'mua'sa'ka', ta uya ipi'," ta tuuya e'kwa pe). ⁴² Miri a'tai ri, iye'mua'sa'ka'pua, miripan e'sara'ti'pua usarin pi' (12 kaisaron iwai'piyaa pe iyese'pua). Seri e'ku'sa' pi' ipan pe to' usewan-siuka'pua. ⁴³ Sises uya ipan pe to' pi' ta'pua, "Kusekamatuu inua' yan pi' ri. Irepati' i'ri ru'kwi ri iyenta'nato' ipi' ke," ta'pua iya.

6

Sises Ewaruma'ti'pua Nasare' Pon Kon Uya (Ma'siu 13:53-58; Uru' 4:16-30)

¹ Sises uya miri pata nimi'pua, iyenna'po'pua tapata'se' ya', ipoitoru ton ni itonpa pe. ² Sapa' e'seposa' a'tai, to' enupa pi' iye'sara'ti'pua Esuweru

amꞫ' usenupato' iwꞫ' tau. Tu'ke ri ka'pon amꞫ' esi'pꞫ miri yau, miripan eta tꞫuya'nokon a'tai, tanporon kon ni usewansiuka'pꞫ. “Nai yau seri ton eporo'pꞫ pꞫse ri ka'pon uya?” tukai' to' usekama'popitu'pꞫ. “F'ri ri pu'ketꞫ ke irepasa' pe iyesi? F'ri kasa ri eke ri Papa tꞫrawasooi kupꞫ iya? ³ Kiya'pinta pen pe' pꞫse ri? Meri mꞫre; Isens, Isoses, Isutas miri awonsi'ki Saiman pokon rui? Seri yau pe' upiyau'nokon iparusi ton pꞫra nai?” ta'pꞫ to' uya. Miripan kon ikinꞫmꞫ'pꞫ ipi'.

⁴ Sises uya ta'pꞫ to' pi', “Ipata'se' yau riken, itonpa ton koro'tau miri awonsi'ki itiwꞫ' ri tau pu'kena' nama pꞫra iyesi,” ta'pꞫ iya. ⁵ Eke Papa tꞫrawasooi kupꞫ iya poken pꞫra ri iyesi'pꞫ miri yau, e'tane ri temiyatꞫ riken nonkapitu'pꞫ iya tu'kan kon pen ka'pon amꞫ' takuru'kena' nan pona, miripan kon epi'tipitu'pꞫ iya. ⁶ Ipan pe ri to' pi' isewansiukapitu'pꞫ, apꞫne pꞫra apurito' to' uya pꞫra iyesi pi'.

Sises Uya 12 Kaisaron Kon TꞫpoitorꞫ Ton Ennoko'pꞫ

(Ma'siu 10:5-15; Uru' 9:1-6)

Miripan Sises utipitu'pꞫ eke iwa ton pata ton kaisa ri'ne, ka'pon amꞫ' enupapitu' pi'. ⁷ TꞫpoitorꞫ ton, 12 kaisaron kon tꞫki'mai' tꞫpiya', to' enno'pitu'pꞫ iya asa'ri'ne, miripan kon repa'pꞫ iya to' meruntirꞫ ke, makoi a'kwarꞫ entai to' e'to' pe. ⁸ Seri ton ke to' auro'ka'pꞫ iya, “F'ri ri kusatꞫ aya'kiri'nokon iuti kon koro'tau, teke'sen niken—tꞫwenantu ke pꞫra ri, tꞫpaikii ke pꞫra ri, pꞫrata pꞫra ri ipokꞫrꞫi kon yau mutitui'. ⁹ Sapato yau

ri e'ti'; tu'ke ipona ipon kon p̄aro'pon yau ke't̄au," ta'p̄u iya to' pi'. ¹⁰ To' auro'ka'p̄u iya kanan, "To' uya iyereutan̄'sa' kon na'ne' airi ri, miri ri iuti tau me't̄ui' pata n̄imi auya'nokon pona ri. ¹¹ Miri awonsi'ki pata uya iyereutan̄'sa' kon p̄ura iyesi yau, miri pe p̄ura iyetapai'nokon p̄ura ri iyesi yau, to' n̄imi auya'nokon a'tai a'ta kon mat̄iut̄ipi't̄ui'. Seri uya ri to' pana'ti miri Papa uya to' kota'mato' oton ekamanin pe," ta'p̄u iya.

¹² Miripan kon uti'p̄u ka'pon am̄u' pi' itekare ekamase'na, to' era'tito' pe t̄umakooi kon apai. ¹³ Miripan tu'ke ri makoi a'kwar̄u enpa'kapitu'p̄u to' uya, miripan kon uya tu'kan kon ni takuru'kena' nan karapaimapitu'p̄u to' epi'tipitu'p̄u to' uya.

Isaan Pa'tes Uma'tasa'
(Ma'siu 14:1-12; Ɔru' 9:7-9)

¹⁴ Kin Era' uya seri eta'p̄u, ap̄une p̄ura Sises ese' enasa' esi'p̄u wak̄u pe kuru ti'tusen pe. T̄aron kon* uya, "Isaan Pa'tes ri e'm̄u'sa'kasa' miri teriku'p̄u apai; miri wenai, eke Papa t̄arawasooi kup̄u iya miri," ta'p̄u to' uya.

¹⁵ T̄aron kon uya, "Iraisa k̄ari ri," ta'p̄u.

T̄aron kon uya ri kanan, "Pu'kena' k̄ari ri, pe-naro' kon pu'kena' am̄u' esi'p̄u waraino," ta'p̄u.

¹⁶ Era' uya etasa' a'tai, "Isaan Pa'tes sa'ne k̄ari ri ko! I'pai unak̄utu'p̄u, e'tane ito'pansa' teriku'p̄u apai!" ta'p̄u iya.

6:11 Ɔru' 10:4-11; Inkup̄u'p̄u 13:51 **6:13** Isens 5:14 * **6:14**
T̄aron ni imenukasa', K̄ari ri, tawon esi. **6:15** Ma'siu 16:14; Ma'
8:28; Ɔru' 9:19

17 Apune p̄ara Era' uya ri Isaan a'sito' pe ikup̄p̄a. Auronpi'to' pe to' uya ikup̄p̄a iya, miripan tato' pe pariki'si ta'. Era' uya seri kup̄p̄a Eratiyas wenai, t̄nmari'ma'p̄a takon Piri' no'p̄a pe ri iye'tane. 18 Isaan Pa'tes e'p̄it̄p̄a Era' auro'ka pi', "Main awiri iwesi pe p̄ara iyese miri ayakon no'p̄a an̄nsa' auya na'ne'," ta'p̄a iya ipi'.

19 Miri uya Eratiyas ikin̄npasa' esi'p̄a Isaan ni inwipai, e'tane ikup̄p̄a iya poken p̄ara iyese'p̄a, 20 apune p̄ara Era' esi'p̄a Isaan namanin pe, iwapu pe iyese'p̄a i'tu t̄uyaya ke, ipokena' pe, miri awonsi'ki wak̄a pe. Isaurok̄a eta t̄uyaya a'tai, ekamura ri iyenapi'p̄it̄p̄a miri ri e'tane imaimu inetapai iyese'p̄a.

21 Miri yau nin si, iweyu e'sepokaa'p̄a miri. Tentup̄a weyu r̄a'p̄a a'tai, Era' uya enta'nan kup̄p̄a eke ton itepuru ton, soisa am̄' epuru ton, miri awonsi'ki eke ton Kiyarari pata yawon kon ewe'to' iya. 22 Eratiyas mare uye'sa' a'tai aman̄se'na, iman̄mu uya wak̄a pe ri Era' kup̄p̄a miri awonsi'ki inki'ma'san niri. Miri pi', kin uya ta'p̄a uri'san pi', "Ise iwe'to' pi' ri uyekama'poki irepa uya miri ike," ta'p̄a iya. 23 Eke pe ri auro'ka'p̄a iya t̄nku'ton pi', "Inekama'po'p̄a ke ri irepa uya, a'sa'm̄yai itesa' pe e'to' pata ke ri," ta'p̄a iya.

24 Miri pi' uri'san epa'ka'p̄a t̄usan ekama'pose'na. "Iri kuru ri ekama'po uya seri?" ta'p̄a iya.

"Isaan Pa'tes i'pai r̄a'p̄a ekama'po'," tukai' eiku'p̄a iya.

²⁵ Miri a'tai ri, t̄usenuti' uri'san enna'po'p̄u kin piya, “Urepa auya i'se e'ai' seripe Isaan Pa'tes i'pai r̄u'p̄u ke parapi po!” ta'p̄u iya.

²⁶ Kin upokoita'p̄u t̄usaurok̄u'p̄u pi' ipan pe, e'tane, ap̄ane p̄ura ikup̄u uya kuru tasa' t̄uya r̄u'p̄u pi' t̄anki'ma'san pana airi, inurunpa iya poken p̄ura iyese'p̄u. ²⁷ Miripan uya inke p̄ura i'pairakanin ennoko'p̄u, Isaan i'pai r̄u'p̄u ne'to' pe iya. Iti'p̄u pariki'si ta', miripan uya Isaan i'pairaka'p̄u. ²⁸ Miripan uya inee'p̄u parapi po, miripan uya it̄ur̄u'p̄u uri'san ena', miripan uya it̄ur̄u'p̄u t̄usan ena'. ²⁹ Miri tetai', Isaan poitor̄u r̄u'san uyee'p̄u, miripan kon uya itekepu ari'p̄u, iu'na'tito' pe t̄uya'nokon ti' akasa' uruwai' pe ya'.

*5,000 Kaisaron Kon Ewek̄u'p̄u Sises Uya
(Ma'siu 14:13-21; Ɔru' 9:10-17; Isaan 6:1-14)*

³⁰ Enno'sa' kon enna'posa' am̄ra'p̄u Sises woi, miripan kon uya tanporo t̄ankup̄u'p̄u kon miri awonsi'ki to' enupa'p̄u t̄uya'nokon ni ekama'p̄u.

³¹ Miri yau, tu'ke ri ka'pon am̄' uye'pitu miri awonsi'ki to' utipitu esi'p̄u, Sises miri awonsi'ki ipoitor̄u ton enta'nato' a'tai p̄ura ri iyese'p̄u. Miri uriya', to' pi' ta'p̄u iya, “Utinpai'nokon mi airi ri t̄'kena'pi yau e'ni poken miri koro'tau iumoronkap̄u kon pa,” ta'p̄u iya. ³² Miripan kon e'sara'ti'p̄u utin pi' kanau yau t̄'kena'pi pata ya'.

³³ Tu'kan kon ni ka'pon am̄' uya to' ene'p̄u, to' i'tu'p̄u to' uya kamoro pe. Miripan kon eka'tum̄'p̄u tanporo pata ton apai'ne irawiri a'mun poro, miripan kon uya pata eporo'p̄u to' rawiri.

34 Sises ekanwakasa' uya tu'ke anpisin pe ka'pon amu' ensa' a'tai, ipan pe ri to' pi' isentu'ma'pu, apune pu'ra to' esi'pu karimeru amu' esi tupa'simanin ke pu'ra kasa. Miripan kon enupa pi' iye'sara'ti'pu tu'kan pi' ri.

35 Pata uko'mansa' a'tai, ipoitoru ton uyee'pu ipiya', miripan kon uya, "Pata uko'manka'sa' kuru ri man, innon sa'ne seri pata ko," ta'pu. 36 "Ka'pon amu' enno'ki a'ko pan pari umi ton miri awonsi'ki eke iwa ton pata amu' ya'ne, tiwano' kon pe tenta'nato' kon ipi' e'mato' pe to' uya," ta'pu to' uya.

37 E'tane to' eiku'pu iya, "Imiri'nokon pe ru'kwiri ri to' irepati' to' enta'nato' ike ke," ta'pu iya.

Ta'pu to' uya ipi', "Miri uya 8 kaisa ri kapai ka'pon e'turawasomasa' epe'pu† mo'ka miri! Miri kaisa ri ken pe' ennoko pu'reti pi' to' ewe'to' pe?" ta'pu to' uya.

38 Sises uya to' ekama'po'pu, "I'ri kaisa ri ru'kwiri pu'reti nai ipiyau'nokon? Apune entanti'," ta'pu iya.

To' uya ensa' a'tai, "5 kaisaron nu'kwiri pu'reti miri awonsi'ki asa'ron kon nu'kwiri moro' amu' man," ta'pu to' uya ipi'.

39 Sises uya ta'pu tupoitoru ton pi', "Ka'pon amu' amaranu'pi'ti' tamu'kuru' ke'ne miripan kon ereutapi'to' pe wana' pona," ta'pu iya. 40 Ka'pon amu' ereutapi'pu tamu'kuru' ke'ne 100 kaisa ri'ne miri awonsi'ki 50 kaisa ri'ne.

† 6:37 8 kaisa ri kapai ka'pon e'turawasomasa' epe'pu—200 tenariyas itese' Kiri' maimu yau. Tikin ni pu'rata pun esi tikin ni wai yau turawaso pi' isenupasa' pen e'mato' ike. (Apune Ma'siu 20:2 enki.)

41 Miripan Sises uya 5 kaisaron itekiino p̄areti miri awonsi'ki asa'ron kon n̄'kw̄i moro' am̄' an̄m̄'p̄u. Ka'ta' tenu t̄ut̄use tenki ta'p̄u iya Papa pi', i'kw̄i'p̄it̄u'p̄u iya. It̄u'p̄u iya t̄upoitor̄u ton uya ekanto' pe ka'pon am̄' ena'. Miri kasa ri mari asa'ron kon n̄'kw̄i moro' am̄' kup̄u'p̄u iya to' kaisa ri to' e'to' pe.

42 Tanporon kon ni enta'na'p̄u ta'wetapi'se,
43 miripan ipoitor̄u ton uya 12 kaisa ri pa'siki'ti p̄areti miri awonsi'ki moro' am̄' tonpa'p̄u e'nonkasa' anuku'p̄u.

44 Warawoti'si am̄' p̄areti pi' iyenta'nasa' kon tu'kanoro esi'p̄u 5,000 kaisa ri.

Sises Usari'p̄u Tuna Po

(Ma'siu 14:22-33; Isaan 6:15-21)

45 Inke p̄ura t̄upoitor̄u ton ekanwa'tito' pe kanau ya' ikuu'p̄u iya, to' utito' pe t̄urawiri Pe'saita pona, anp̄isin enno'tane t̄uuya. 46 To' n̄imi t̄apo, w̄u' pona iti'p̄u ip̄rema'i'.

47 Miri a'tai ko'mam̄u pe pata enaka'tane, kanau esi'p̄u parau ku'p̄iri aporo' po. Miri koro'tau, Sises esi'p̄u tikin sari a'mun po. 48 T̄upoitor̄u ton utan-pok̄uma ene'p̄u iya, takanwa kon i'kura i'se, ap̄ane p̄ura a'setun uya to' kota'ma esi'p̄u to' winik̄ui' t̄uuyep̄u ke. Awanak̄ui', 3 a'k̄ura' miri pe p̄ura 6 a'k̄ura' ri to' piya' iyee'p̄u parau ku'p̄iri p̄uro'po. To' ri entaka iya esi'p̄u.

49 E'tane parau ku'p̄iri p̄uro'po isari ene t̄uuya'nokon a'tai, a'kwar̄u'p̄u pe to' uya ekama'p̄u, miripan kon upiror̄anp̄it̄u'p̄u, 50 ap̄ane p̄ura tanporo ensa' t̄uuya'nokon pi', miripan kon et̄up̄it̄u'p̄u ipan pe.

Inke p̄ra Sises uya ta'p̄ to' pi', "Merunti pe e'ti'! Uri ri. Ket̄ipi't̄u," ta'p̄ iya. ⁵¹ Miri a'tai ri, iyekanwa'ti'p̄ kanau ya' to' piya'. Miri a'tai ri, a'setun ereuta'p̄, miripan poitor̄ ton usewan-siuka'p̄, ⁵² ap̄ne p̄ra to' uya ito'ka'n̄'sa' p̄ra iyesi'p̄ i'ri kuru ta e'kwa pe p̄reti esi tukai'; to' ewan ni usa'mantasa' esi'p̄.

Takuru'kena' Nan Epi'tipit̄'p̄ Sises Uya
(Ma'siu 14:34-36)

⁵³ To' i'kwiri'sa' a'tai, to' e'te'ka'p̄ Kenesare' airi, miripan kon uya takanwa kon ewa'ti'p̄ miri yau. ⁵⁴ To' ekanwaka pe ri, ka'pon am̄ uya Sises i'tusa' esi'p̄. ⁵⁵ Miripan kon eka'tunp̄it̄'p̄, tanporo miri pata nono yau'ne, miripan kon uya takuru'kena' nan ep̄ir̄ipi'sa' te'kwe' kon po nee'p̄ ipiya', miri airi iyesi tukai' etasa' t̄uya'nokon airi. ⁵⁶ Miri awonsi'ki Sises utipi'to' airi'ne—eke iwa ton pata am̄, umi am̄ awiri'ne ri—miripan ka'pon am̄ uya takuru'kena' nan ap̄it̄'p̄ kur̄po'po pi' e'nito' pata'se' ya', miripan kon uya ipan pe ipawana'ti'p̄ takuru'kena' nan uya ipon e'pi a'pi'to' pe, miripan tanporon kon a'pi'nin n̄'san usepi'tipit̄'p̄.

7

Wak̄ Miri Awonsi'ki Wak̄ Pen
(Ma'siu 15:1-9)

¹ Pari'si am̄ miri awonsi'ki Main pi' enupanin nan iye'sa' kon Surusiran wini am̄rasa' esi'p̄ Sises woi, ² miripan kon uya t̄aron kon ipoitor̄ ton enta'na ene'p̄ iri, ikor̄kasa' pen temiyat̄ kon ke.

³ (Pari'si am̄ miri awonsi'ki Esuwer̄ am̄ kamoro tenta'nasan pen temiyat̄ kon kor̄kasa')

tɔuya'nokon pɔra iye'tane tepuru kon eseru awiri.
 4 F'ri ri kɔrɔpo'po iwɔ tapai ine'sa' pi', to' enta'na
 pen wapiya kuru ikorɔkasa' tɔuya'nokon a'tai
 riken to' enta'na,* miripan kon uya tenupa'pɔ
 kon ni kupɔ iye'to' awiri Papa enu yau, tukokɔ
 kon, terin kon, ka'pa konekasa' tɔ'sawɔ kon, miri
 awonsi'ki te'kwe' kon amɔ' ri korɔka.†)

5 Miri pi' Pari'si amɔ' miri awonsi'ki Main pi' enu-
 panin nan uya Sises ekama'po'pɔ, "F'ri pe iyese pi'
 ipoitɔ ton esi pɔra iyese uyepuru kon eseru rɔ'pɔ
 awiri, e'tane iri ri temiyatɔ kon ke to' enta'na?"
 ta'pɔ to' uya.

6 Sises uya to' eikɔ'pɔ, "Ipoken ni Aisaya
 usaurokɔ'pɔ ipi'nokon, wakɔ pe te'ku'san pi';
 iye'menukasa' na'ne':

“Pɔsamoro uya tɔnta kon ke riken unama;
 e'tane inni ri to' ewan esi upiyapai.

7 To' ipɔrema upi' i'ri epton kon kasa ri;
 to' usenupato' esi ka'pon amɔ' uya to'
 enupa'pɔ iyawiri to' e'to'.‡

tukai'. 8 Imiri'nokon uya Papa uya ayapiyontito'
 kon apuri pɔra iyese, e'tane ka'pon uya iyenupato'
 kon apuri auya'nokon niken,” ta'pɔ iya.

9 Miripan uya ta'pɔ to' pi', “Teseru ke kuru
 iwesi kon Papa Maimu nonka kon pa, iyaseru kon
 awiri iwesi kon pa! 10 Mosi' uya tasa', 'Ikɔipɔnɔ
 miri awonsi'ki asan inamaki,§ miri awonsi'ki,
 'Inɔ' ri tukɔipɔnɔ miri awonsi'ki tɔsan ni pa'nɔ'nin

* 7:4 Tɔron ni imenukasa', F'ri ri pi' to' enta'na pɔra iyese kɔrɔpo'po
 iwɔ tapai tɔuye'sa' kon tɔpo wapiya tekorɔkasa' kon a'tai riken to'
 enta'na, tawon esi. † 7:4 Tɔron ni imenukasa' ton yau, te'kwe'
 kon amɔ' ri, tawon pɔra iyese. ‡ 7:7 Aisaya 29:13 § 7:10 E'sotas
 20:12; Isu'taronomi 5:16

wito' pe iyesi.* 11 E'tane ta auya'nokon, ka'pon uya tukupunu miri pe para tusan pi' ta pe iyesi yau, 'Iri ri ipika'tinin pe uwini ineporona pan e'tane Kapan pe man' (Papa ena' iye'tuka'sa' man ta e'kwa pe), 12 miri si i'ri ri kupu iya poken para tukupunu miri pe para tusan iwano' pe ikupu auya'nokon. 13 Miri kasa si ipara Papa Maimu kupu auya'nokon iyaseru kon min wini ri iyikwiri'pi'sa' ke. Miri awonsi'ki tu'ke ri inkupunu kon man seri warai'nan," ta'pu iya.

Iri Pe Ka'pon Ku'nin
(Ma'siu 15:10-20)

14 Sises uya anpisin ton ni ki'makaa'pu kanan tupiya', miripan uya ta'pu to' pi', "Apune uyetati', tanporo imiri'nokon, miri awonsi'ki se ito'ka'nu'ti'. 15 Miri yau i'ri ri tewonsen para iyesi miri ka'pon ya' kipo'ponsi'ki iri pe iku'se'na, e'tane ka'pon apai iyepa'kasa' uya iri pe ikupu,"† ta'pu iya.

17 Miripan uya anpisin ton ni nimi'pu, iti'pu iuti ta', miripan ipoitoru ton uya ekama'po'pu seri panton pi'. 18 "Ito'ka'nu'nin nan pe para ri pe iwesi kon? Ene auya'nokon para pe' iyesi, i'ri ri kipo'ponsi'ki tewonsen ka'pon ya' uya, iri pe ikupu para iyesi? 19 Apune para iti pen miri itewan ya' e'tane iti miri iwenu'pi ya', miripan epa'ka ipun apai," ta'pu iya. (Sises uya seri ta'pu, tanporo ri sa'ne kiyari esi miri ko enta'nan nito' ipi' pe, ta tauya e'kwa pe.)

* 7:10 E'sotas 21:17; Ripaiti'kas 20:9 † 7:15 Taron ni imenukasa' ton uya v. 16 ke iponantisa' se kasa: 16 Miripan tupana ke iwesi kon a'tai etati'. (Apune Ma' 4:23 enki.)

20 Miripan uya ri ta'p_u, “Nepa'kayai'ne' ka'pon yapai uya nin ikup_u miri iri pe. 21 Ap_une p_ura ka'pon am_u' ewan yapai iri isenuminkato' epa'ka, tekumasen pe, ama' e' pe, te'wisen pe, 22 iyemari'masa' ekumankanin pe, mentaino pe, e'wipaino, enku'tinin ye' pe, iri ku'nin pe ri, tikintai', teseru'tii' ka'pon pi' t_usauro'sen pe, mi pe ri te'ku'sen pe, miri awonsi'ki ita'kwar_u p_ura te'sen pe. 23 Tanporo seri ton makoi eseru ton epa'kasa' ka'pon apai uya iri pe ri ikup_u,” ta'p_u iya.

Uri'san M_ure Epi'ti'p_u Sises Uya
(Ma'siu 15:21-28)

24 Sises uya miri pata nimi'p_u pata Taya itese' p_u'k_u pona,‡ miripan ewom_u'p_u iuti ta', in_u' uya ri ti'tu i'se p_ura ri iyese'p_u, miri yau iyese' tukai', e'tane iye'so'nam_u poken p_ura ri iyese'p_u. 25 Inke p_ura ri etasa' t_uuya a'tai, aiko r_u'kw_i makoi\$ a'kwar_u yen im_ure uri'san uyee'p_u i'ta piya' ata'mo'kai'. 26 P_use ri uri'san esi'p_u ka'k_uran pe, t_uron ni pata winon, iyentusa' Poni'siya, Siriya yawon yau, miripan uya Sises pawana'ti'p_u iri a'kwar_u enpa'kato' pe iya tam_ure yapai.

27 “Wapiya m_ure am_u' nenta'nakap_ui tanporo i'se te'to' kon pe, ap_une p_ura ipoken p_ura iyese' m_ure am_u' yu p_ureti eno'ma to' ik_un non pero am_u' ena',” ta'p_u iya.

28 “Ewai', Epuru, e'tane pero am_u' ter_ug_u o'non kon ni m_ure am_u' i'kiyari punu'pi pi' tenta'nasan ko,” ta'p_u uri'san uya.

‡ 7:24 Tu'kan ni wapiya iwa imenukasa' ton uya: Taya miri awonsi'ki Saitan, ta. § 7:25 makoi, miri pe p_ura iri, Kiri' maimu yau.

²⁹ Sises uya ta'p_u ipi', "Miri kasa uyei'sa' auya pi', enna'poki pata pona; iri a'kwar_u utikaa'p_u man imure yapai," ta'p_u iya. ³⁰ Miripan si enna'pooka'p_u pata pona, miripan uya tumure e'pirinkasa' te'kwe' po eporo'p_u, iri a'kwar_u ri si epa'kaka'p_u esi'p_u iyapai.

Ipana P_un, Imaimu P_un Ka'pon Epi'ti'p_u Sises Uya

³¹ Sises uti'p_u pata Taya p_u'k_u poi, miripan uti'p_u Saitan poro parau ku'p_uri Kiyarari poro, iti esi'p_u Te'ka'pores* nono awiri'ne ri. ³² Taron kon ka'pon am_u' uya ipana p_un, t_usauro'sen pen ka'pon nee'p_u, miripan kon uya Sises ekama'po'p_u temiyat_u t_uto' pe iya ipona.

³³ Miripan ari'p_u iya anpisin ton piyapai tikin sari, temiyat_u muku'pi t_ur_u'p_u iya ipana ya', miri awonsi'ki iyeta'ta'p_u, miripan uya iyani a'pitu'p_u.

³⁴ Miripan Sises uya tenu t_ur_u'p_u ka' winikai', miripan uya e'se'ne' pe teruparu enpa'ka pe ta'p_u iya ka'pon pi', "E'pa'ta!" ("Ata'koka'!" ta e'kwa pe).

³⁵ Miri a'tai ri, ipana uta'koka'p_u, iyani ekoneka'p_u, miripan usaurok_u'p_u i'ri anpok_umanin p_ura ri.

³⁶ Miripan kon ni panama'p_u iya, ipi' to' usauro'pitu'namai' in_u' yan pokon pe ri, e'tane miyari ri to' apiyo'ma tane iya, miyari ri to' uya ekama'p_u.

³⁷ Miripan tanporon kon ni etanin nu'san usewan-siuka'p_u ipan pe ri: "I'ri kasa wak_u pe ri tanporon ni kup_u iya. Ipana p_un koneka iya etanin pe; imaimu p_un koneka iya t_usauro'sen pe!" ta'p_u to' uya.

* **7:31** Te'ka'pores ta miri 10 kaisaron eke ton pata am_u' ta e'kwa pe.

8

*4,000 Kaisaron Kon Eweku'pu Sises Uya
(Ma'siu 15:32-39)*

¹ Inke kuru para ri miri tupo, taron kon kanan anpisin ton amarakaa'pu. To' enta'nato' ipi' para iyese pi', Sises uya tupoitoru ton ki'ma'pu tupaia', miripan uya ta'pu, ² “Usentu'mayai' pusa'moro ka'pon amu' pi', apune para uya'kiri to' e'sa' pi' osoruwau wai, miripan kon enta'nato' ipi' para ri si iyese. ³ To' enno'sa' uya a'tai to' tewe'se para pata pona to' nin utipitu miri yai tauti kon koro'tau apune para taron kon uye'sa' inni ri,” ta'pu iya.

⁴ Ipoitoru ton uya ekama'po'pu, “Nai yau ri ta'kenan yau pusa'moro ka'pon amu' ewe'to' ike eporo seri?” ta'pu to' uya.

⁵ “Iri kaisa ri pareti nai ipiyau'nokon?” ta'pu Sises uya.

To' uya eiku'pu, “7 kaisa ri riken,” ta'pu to' uya.

⁶ Anpisin ton apiyo'ma'pu iya to' ereutapi'to' pe non pona, miripan 7 kaisaron nu'kwu riken itekino pareti anumu'pu iya, tenki ta'pu iya Papa pi', miripan i'kwu'pitu'pu iya. Ituru'pu iya tupoitoru ton ena', to' uya ekanto' pe anpisin ton ena', miripan ni kupu'pu ipoitoru ton uya. ⁷ To' piyau kanan aiko ton nu'kwu tu'kan kon pen moro' amu' esi'pu. Miri pi' tenki ta'pu Sises uya, miripan kon ekanto' pe tupoitoru ton uya kanan ikupu'pu iya. ⁸⁻⁹ Tanporon kon enta'na'pu ta'wetapi'se, miri yau 4,000 kaisa ri ka'pon amu' esi'pu, miripan ipoitoru ton uya ipu'ku ru'san iye'nonkasa' ru'pu enti'pu 7 kaisaron pa'siki'ti tupa'ke'ne. Sises uya nin si ka'pon amu' ennoko'pu miri, ¹⁰ miripan

ekanwa'ti'pɥ kanau ya' miri a'tai ri tɥpoitorɥ ton pokon pe, miripan kon uti'pɥ Tarɥmanu'ta nono pɥ'kɥ pona.

I'tuto' Ipikiri Ekama'po'pɥ
(Ma'siu 12:38-42; 16:1-4)

¹¹ Pari'si amɥ' uyee'pɥ miripan kon e'sara'ti'pɥ Sises ekama'popitɥ pi'. I'tupitɥ pe to' uya ekama'po'pɥ i'tuto' ipikiri Epɥn winon pi'. ¹² Sises uya e'se'ne' pe teruparu enpa'ka'pɥ, miripan uya ta'pɥ, “I'ri pe iyese pi' seri a'taino kon uya eke Papa tɥrawasooi, ui'tuto' tɥuya'nokon ipikiri ekama'po? I'napairon ekama uya ipi'nokon; miri waraino i'tuto' ipikiri tɥru pen ni,” ta'pɥ iya. ¹³ Miripan kon tɥninse iyenna'po'pɥ kanau ya', miripan e'kwiritɥ'pɥ iratoi pona.

Pari'si Amɥ' Miri Awonsi'ki Era' Uya Pɥrowa A'sarutanɥ'to' Ike
(Ma'siu 16:5-12)

¹⁴ Ipoitorɥ ton upu'tikaa'pɥ esi'pɥ tu'ke pɥreti ari to' uya pɥra, tikin ni riken to' piyau iyese'pɥ kanau yau. ¹⁵ “Ti'tui' e'ti'; tense e'ti' Pari'si amɥ' miri awonsi'ki Era' uya pɥrowa a'sarutanɥ'to' ike pi',” tukai' to' panama'pɥ iya.

¹⁶ To' e'sara'ti'pɥ usauro'ni pi' tiwano' kon pe. “Apɥne pɥra pɥreti pɥra iyese pi' isaurokɥ miri,” ta'pɥ to' uya.

¹⁷ To' usauro'to' i'tu tɥuya pi' to' ekama'po'pɥ iya, “I'ri pi' ausaurokɥ kon pɥreti pɥra iwesi kon pi'? Ene auya'nokon pɥra ri pe', miri pe pɥra ito'ka'nakɥ auya'nokon pɥra ri pe' iyese? Iyewan

kon ni usa'manta? ¹⁸ Tenu ke ri pe' iwe'tane'nokon ene auya'nokon p̄ra iyese? Tupana ke ri, e'tane eta auya'nokon p̄ra ri? Iyenu kon yau p̄ra nai? ¹⁹ 5 kaisaron p̄reti si'kw̄i'p̄i'taine' a'tai 5,000 kaisaron kon ka'pon am̄u' iwano' pe, i'ri kaisa ri pa'siki'ti am̄u' t̄pe't̄ipi'se ip̄u'k̄u ru'san mentita't̄ai?" ta'p̄u iya to' p̄i'.

“12 kaisa ri,” ta'p̄u to' uya.

²⁰ “Miri awonsi'ki 7 kaisaron p̄reti si'kw̄i'p̄i'taine' a'tai 4,000 kaisaron kon ka'pon am̄u' iwano' pe, i'ri kaisa ri pa'siki'ti am̄u' t̄pe't̄ipi'se ip̄u'k̄u ru'san e'nonkasa' mentita't̄ai?” ta'p̄u iya.

“7 kaisa ri,” tukai' to' uya eik̄u'p̄u.

²¹ Ta'p̄u iya to' p̄i', “Ito'ka'n̄k̄u auya'nokon p̄ra ri mari pe' iyese?” ta'p̄u iya.

Tenku'n̄an Epi't̄i'p̄u Sises Uya Pe'saita Po

²² To' uyee'p̄u Pe'saita pona, miri yau ka'pon am̄u' uya tenku'n̄an ka'pon nee'p̄u Sises piya', miripan kon uya ipawana'ti'p̄u a'p̄i'to' pe iya.

²³ Sises uya tenku'n̄an ari'p̄u itemiyat̄u p̄i' ta'sii' eke iwa pata yapai, miripan enu ya' teta'tapit̄u t̄po, temiyat̄u t̄ru'p̄u iya ipona, miripan uya ekama'po'p̄u, “I'ri ri pe' menyan?” ta'p̄u iya ip̄i'.

²⁴ Miripan uya tenu t̄ru'p̄u ka'ta', miripan uya ta'p̄u, “Ewai', ka'pon am̄u' senyai', e'tane to' usene ȳu' am̄u' usari kasa ri,” ta'p̄u iya.

²⁵ Sises uya kanan temiyat̄u tukaa'p̄u itenu pona. Seri a'tai kuru si, wak̄u pe itenu ena'p̄u miri, miripan uya tanporon ni ene'p̄u wak̄u pe. ²⁶ Sises

uya ennoko'p_u ipata'se' ya', "Kenna'poi eke iwa pata pona," ta'p_u iya ipi'.

Pi'ta Uya Sises Ekama'p_u

(Ma'siu 16:13-20; Uru' 9:18-21)

²⁷ Miripan Sises miri awonsi'ki ipoitor_u ton uti'p_u eke iwa ton pata Sisariya Piri'pai oino' nan pona. Asanta tau to' ekama'po'p_u iya, "Inu' pe esi tukai' ka'pon am_u' n_usauro'an?" ta'p_u iya.

²⁸ To' uya entakanoma'p_u, "T_uron kon uya Isaan Pa'tes pe iwesi ta; t_uron kon uya Iraisia pe iwesi ta; t_uron kon uya kuru ri kanan pu'kena' am_u' tonpa ta," ta'p_u to' uya.

²⁹ "E'tane si imiri'nokon, inu' pe ken si esi makayat_u?" ta'p_u iya to' pi'.

Pi'ta uya eiku'p_u, "Imiri kuri ri Kurai*!" tukai'.

³⁰ Sises uya to' panama'p_u inu' pi' ri to' uya tekama namai'.

T_uuma'tato' Ekama'p_u Sises Uya

(Ma'siu 16:21-28; Uru' 9:22-27)

³¹ To' enupa pi' iye'sara'ti'p_u, Ka'pon, Papa winon uya e'ne' moronkato' oton eke pe ri, miripan ewaruma'tito' oton Esuwer_u am_u' epuru ton uya ri, use'man nito' t_urawasomanin nan epuru ton am_u' uya ri, miri awonsi'ki Main pi' enupanin nan uya ri niri, miripan wito' oton, miri awonsi'ki iye'm_u'sa'kato' oton osor_uwau w_ui t_upo tukai'. ³² Seri ekama'p_u iya wak_u pe kuru ri to' pi', miripan ari'p_u Pi'ta uya esereme'se'na.

³³ E'tane Sises era'tisa' a'tai t_upoitor_u ton ense'na,

8:28 Ma' 6:14-15; Uru' 9:7-8 * **8:29** Kurai (Kiri' maimu yau); miri pe p_ura, Me'saya (Ipuru maimu yau), asa'ri ri mari iyesi, Papa Nanam_u'p_u ta e'kwa pe. **8:29** Isaan 6:68-69

miripan uya Pi'ta eseremeku'pu, "Upiyapai enta, Se'tan!"† ta'pu iya. "fusenuminkato' esi ka'pon usenuminkato' pe, Papa usenuminkato' kasa para ri," ta'pu iya.

³⁴ Miripan uya anpisin ton ki'ma'pu tupoitoru ton pokon pe tupaia', "Inu' ri uyepu pe iyesei yau uye'ma'pu pe, tiwi tupa' ri tupa'tika'se, tukurusukuui tananse nuyepui upikiri. ³⁵ Apune para inu' ri kari tuko'manto'‡ innonkapai para na'ne' uya tuko'manto' ri nonka miri, e'tane inu' ri tuko'manto' nonka pi' na'ne' upikiri miri awonsi'ki waku itekare pikiri uya inonka pen miri. ³⁶ Waku pe pe' ka'pon esi tanporo non pon eponin ta'kwaru nonkai'ma? Kane ku! ³⁷ Miri pe para, i'ri taru iya ta'kwaru entakano' pe? ³⁸ Inu' ri ipiyitu yau upi' miri awonsi'ki umaimu ton pi', seri iyemari'masa' ekumankanin nan miri awonsi'ki iri ton seri a'taino kon weyu a'tai'ne, Ka'pon, Papa winon niri ipiyitu miri ipi', tuyepu a'tai tukupanu meruntiru yau miri awonsi'ki waku ton ni inseru amu' pokon pe," ta'pu Sises uya.

9

¹ Miripan uya ta'pu to' pi', "Tnapairon ekama uya ipi'nokon, seri yau iye'soto'pi'sa' na'ne' nan tonpa ton eri'to' oton pen ni Papa e'to' esa' wanni pe uyepu merunti pe ene tuuya'nokon rawiri," ta'pu iya.

† 8:33 Se'tan—Makoi ese' isakon, Papa eseru ewaruma'tinin ta e'kwa pe. 8:34 Ma'siu 10:38; Uru' 14:27 ‡ 8:35 Seri Kiri' maimu yau, ta'kwaru ta e'kwa pe, miri pe para uko'manto' ta e'kwa pe; v. 36 yau niri. 8:35 Ma'siu 10:39; Uru' 17:33; Isaan 12:25

Sises Uta'kwaka'p_u

(Ma'siu 17:1-13; Ƴru' 9:28-36)

² 6 kaisa ri w_ui t_upo, Sises uya Pi'ta, Isens miri awonsi'ki Isaan pokon ari'p_u ta'kiri. To' ari'p_u iya ka'tawon ni w_u' pona t_u'kenan yau to' e'to' pe. Miri yau to' esi koro'tau, isensima'p_u. ³ Ipon ena'p_u sirin pe aimu'ne, ipan pe ri aimu'ne inu' ri seri non pon uya ikor_ukasasa' uya aimu'nakasa' entai ri. ⁴ Miripan miri yau Iraisia miri awonsi'ki Mosi' pokon usenpoika'p_u to' rak_ui', Sises auro'ka pi' to' esi'p_u. ⁵ Pi'ta uya ta'p_u Sises pi', “Rapai,* wak_u ri pan pe ri seri yau ina man. Tiwi osor_uwau iiw_u' kon oton ami' ina — tikin ni iiw_u' pe, Mosi' iw_u' pe miri awonsi'ki Iraisia iw_u' pe.” ⁶ (Miri ta t_uuya tukai' i'tu iya p_ura ri iyese'p_u, ap_une p_ura k_uri ri miri awonsi'ki t_uron kon et_uipi'sa' esi'p_u miri pi'.)

⁷ Miri a'tai, kapuru' usenpoika'p_u, miripan uya to' ni'ponti'p_u. Main uyee'p_u kapuru' apai, “Umu p_use ri, Uni'n_unkan_u. Imaimu etati'!” tawon.

⁸ Mi awiri tenu kon t_upi'tane to' uya, inu' p_ura ri iyese'p_u. Sises riken esi'p_u to' piyau.

⁹ W_u' ponsi'ki t_uu'ti kon koro'tau, Sises uya ta'p_u to' pi', “Inu' pi' ri inene'p_u kon k_usekamat_u, Ka'pon, Papa winon eri'sa' e'm_u'sa'ka p_u'k_u pona ri,” ta'p_u iya. ¹⁰ Imaimu awiri to' esi'p_u, e'tane tiwano' kon pe to' usekama'popi't_u'p_u miri pi', i'ri ta e'kwa pe, “eri'nisa' e'm_u'sa'ka p_u'k_u pona ri,” ta esi tukai'.

¹¹ Miripan kon uya ekama'po'p_u, “Tri pe ken iyese pi' Main pi' enupanin nan uya Iraisia kuru uye'to' oton wapiya ta?” ta'p_u to' uya.

* 9:5 Rapai, Ti'sa ta e'kwa pe 9:7 Ma'siu 3:17; Ma' 1:11; Ƴru' 3:22; 2 Pi'ta 1:17-18

12 To' entakanoma'p_u iya, "I'napairi ri Iraisia uyep_u wapiya tanporon ni konekai' iyesi'p_u ya'. I'rito' pe iye'menukasa' Ka'pon, Papa winon ekota'mato' oton ipan pe miri awonsi'ki ewaruma'tito' oton ta? 13 E'tane nin si ekama uya ipi'nokon, Iraisia uye'ka'sa', miripan pi' i'se te'to' kon ku'sa' to' uya ipi' iye'menukasa' na'ne' kasa ri," ta'p_u iya.

*Warawo' Mure Epi'ti'p_u Sises Uya
(Ma'siu 17:14-21; Uru' 9:37-43a)*

14 Ipoitor_u ton tonpa ton piya' to' uye'sa' a'tai, anpisin ton ni ka'pon am_u' ene'p_u to' uya to' oi. Main pi' enupanin nan e'sei'pit_u esi'p_u to' pokon pe. 15 Sises ensa' tanporon kon ka'pon am_u' uya a'tai, ipan pe ri to' usewansiuka'p_u, miripan kon eka'tum_u'p_u ipiya', "Miyari" ka'se'na ipi'. 16 Tupoitor_u ton ekama'po'p_u Sises uya, "I'ri pi' to' pokon pe iye'sei'pit_u kon?" ta'p_u iya.

17 Anpisin ton koro'tawon ka'pon uya eiku'p_u, "Ti'sa, umu ne'sa' uya ipiya', ap_une p_ura iri a'kwar_u esi iyau, miripan uya imaimu'kasa'. 18 Miri iri a'kwar_u e'sara'ti a'tai, eno'ma iya non pona. Inta a'koronta, t_uy_i kititi'ima iya, miripan e'sitinka. Ipoitor_u ton ekama'po'p_u uya to' uya enpa'kato' pe, e'tane to' uya ikup_u poken p_ura iyesi'p_u," ta'p_u iya.

19 "I'ri si, apur_inin nan pen ni seri a'taino kon! I'ri p_u'k_u pona ri ipiyau'nokon esi? I'ri p_u'k_u pona aya'kiri'nokon esi? Ine'ti' upiya'," ta'p_u iya.

20 To' uya inee'p_u ipiya'. Iri a'kwar_u uya Sises ensa' a'tai, inke p_ura warawo' m_ure en-noko'p_u iya yai. Ita'mo'ka'p_u non pona, miripan e'rakairakaima'p_u, inta a'koronta'p_u. 21 “Iri a'tai seri kasa iyese e'sara'ti'p_u?” ta'p_u Sises uya ikup_unu pi'.

“M_ure pe iyese'p_u si'kiri ri,” ta'p_u iya. 22 “Inke ri iwini i'se iye'pi'sa' miri teno'mapi'se apo' ya' miri awonsi'ki tuna ka'. Ina pi' isentu'ma', ina ipika'ti', ikup_u auya poken iyese yau,” ta'p_u iya.

23 “Iri ta auya e'kwa pe iyese, ‘Ikup_u auya poken iyese yau,’ mukayai'ne? Tanporon ni e'kup_u apurinin nan pi',” ta'p_u Sises uya.

24 Inke p_ura warawo' m_ure k_uip_unu uya t_uuki'pi'n_um_u pe, “Apu'ri uya ri; upika'tiki apurinin pe p_ura e'to' entai enato' pe!” ta'p_u iya.

25 Sises uya anpsin uyep_u a'ko pe t_upiya' ene a'tai, iri a'kwar_u† eseremek_u'p_u iya, “Ipana p_un miri awonsi'ki imaimu p_un a'kwar_u, k_uri ri warawo' m_ure apai epa'kaki. Miri t_upo, iya' kanan kewomai,” ta'p_u iya ipi'.

26 Iri a'kwar_u upiror_um_u'p_u, miripan uya warawo' m_ure ennoko'p_u yai ipan pe, miripan epa'ka'p_u. Warawo' m_ure esi'p_u eke' kasa, miripan tu'kan kon uya, “Iyeri'sa',” ta'p_u. 27 E'tane Sises uya warawo' m_ure an_um_u'p_u itemiyatu pi', miripan e'm_u'sa'ka'p_u.

28 Sises ewom_u'p_u t_upo, ipoitor_u ton uya ekama'po'p_u ama'ai, “Iri pe ken si iyese pi' ina uya enpa'ka p_ura iyese?” ta'p_u to' uya.

† 9:25 Iri a'kwar_u, miri pe p_ura makoi a'kwar_u

29 “F’ri pen ni, ipureman‡ uya riken seri rupi enpa’ka,” ta’pua Sises uya.

Sises Kanan Usauro’kaa’pua Teri’to’ Pi’

(Ma’siu 17:22-23; Uru’ 9:43b-45)

30 Miri pata nimi’pua to’ uya, miripan kon uti’pua Kiyarari poro. Sises esi’pua miri yau tesi tukai’ inu’ uya ri ti’tu i’se para, 31 apune para tupoitorua ton enupa tuuya pi’. Ta’pua iya to’ pi’, “Ka’pon, Papa winon eparankato’ oton ka’pon amua’ ena’. To’ uya iwito’ oton, e’tane itosoruwano wai pata’pua pe iye’mua’sa’kato’ oton,” ta’pua iya. 32 E’tane to’ uya ito’ka’nuku para ri iyesi’pua, i’ri ta iya e’kwa pe iyesi tukai’, miripan kon enari’numu’pua miri pi’ inekama’popai para.

Inu’ Esi Eke Pe Kuru?

(Ma’siu 18:1-5; Uru’ 9:46-48)

33 To’ uti’pua Ka’paneyan pona. Tewomua tupo, Sises uya tupoitorua ton ekama’po’pua, “F’ri pi’ me’sei’pi’tuune’ asanta tau?” ta’pua iya. 34 E’tane to’ uya eiku para iyesi’pua, apune para asanta tau inu’ esi eke pe kuru tukai’ to’ e’sei’pitu esi’pua.

35 Sises ereuta’pua, miripan uya 12 kaisaron kon tupoitorua ton ki’ma’pua, “Wapiya e’pai na’ne’ e’to’ pe iyesi, iu’matua yau miri awonsi’ki tanporon kon poitorua pe iye’to’ pe iyesi,” ta’pua iya.

36 Temekon tutuse iwoi mare ta’sii’ isoto’ka’pua iya to’ koro’tau, miripan uya ta’pua to’ pi’, 37 “Inu’ uya ri pusa’goro mare amua’ tonpa ereutanuku pe iyesi yau uyese’ yau, uri ri ereutanuku iya pe

‡ 9:29 Taron ni imenukasa’ yau, ipureman miri awonsi’ki useru-
man tawon esi. 9:34 Uru’ 22:24 9:35 Ma’siu 20:26-27; 23:11;
Ma’ 10:43-44; Uru’ 22:26

iyesi; miri awonsi'ki inu' uya ri uri ereutanuku pe iyese' yau, uri riken ereutanuku iya pen miri, kari uyenko'nin nu'pu kanan ereutanuku iya pe iyese," ta'pu iya.

Inu' Ri Uyewa'nomanin Kon Pen Esi Uwenaino' Kon Pe
(Uru' 9:49-50)

³⁸ "Ti'sa," ta'pu Isaan uya, "Ka'pon ene'pu ina uya iyese' yau makoi a'kwaru ton enpa'kapi'nin. Iyereutato' pe ina uya ikupu'pu, apune para uri'nokon tonpa pe para iyese pi'," ta'pu iya.

³⁹ Sises uya ta'pu to' pi', "Kusereutanu'tau, apune para inu' ri eke Papa turawasooi ku'nin nu'pu uyese' yau usauroku poken para iyese miri tapo iri pe upi'. ⁴⁰ Uyewa'noma iya 'nokon para na'ne' esi miri uwenaino' kon pe ri. ⁴¹ I'napairon ekama uya ipi'nokon, inu' ri tuna ke iwo'payai'ne'nokon uyese' yau apune para Kurai§ iwano' pe iwesi kon pi', tepe'pu nonka iya pen kuru ri miri.

Ka'pon Amu' Umakoita Emapu'ti
(Ma'siu 18:6-9; Uru' 17:1-2)

⁴² "Miri awonsi'ki inu' uya ri pasamoro uya-purinin nan aiko ton nu'kwi tonpa e'makoima emapu'tisa' yau, waku iwa pe ri iyese parau ka' eno'ma eke ri a'nai' e'pato' ike ewa'tisa' i'mu pi' esa' pe. ⁴³ Iyemiyatu uya iye'makoima emapu'ti pe iyese yau, a'tiki. Waku iwa pe ri iyese itemiyatu para esii'ma tiwiri ri uko'man nito' ya' iyepa'ka

9:37 Ma'siu 10:40; Uru' 10:16; Isaan 13:20 **9:40** Ma'siu 12:30; Uru' 11:23 § **9:41** Kurai (Kiri' maimu yau); miri pe para, Me'saya (Ipuru maimu yau), asa'ri ri mari iyese, Papa Nanamu'pu ta e'kwa pe. **9:41** Ma'siu 10:42

a'tai, tanporo temiyat_u ke ekota'man nito' ya' iuti entai, apo' usenk_u'to' pen ni ya'.* ⁴⁵ Miri awonsi'ki a'ta uya iye'makoima emapu'ti pe iyesi yau, a'tiki. Wak_u iwa pe ri iyesi i'ta p_ura esii'ma tiwiri ri uko'man nito' ya' iyepa'ka a'tai, ti'ta ke iyeno'ma entai ya'mu p_un ekota'man nito' ya'.† ⁴⁷ Iyenu uya iye'makoima emapu'ti pe iyesi yau, imo'kaki. Wak_u iwa pe ri iyesi miri tikin ni itenu tiwiri ri uko'man nito' ya' iyepa'ka a'tai, asa'ri itenu iyeno'ma entai ya'mu p_un ekota'man nito' ya'.

⁴⁸ Miri yau,

“to' weruweei erik_u pen ni,
miri awonsi'ki apo' usenk_u'n_uk_u pen ni.”‡

⁴⁹ Tanporon kon ni e'ne'ne'ma miri apo' ke.

⁵⁰ “Waiyo esi wak_u, e'tane ine'ne' pe p_ura iye-nasa' yau, nai kasa ken si ine'ne' pe kanan iye'to' pe iku'kap_u auya? Waiyo iku'ti' ayau'nokon, t_usewankamai' p_ura iko'manti' itonpa kon am_u' pokon pe,” ta'p_u iya.

10

No'p_u Nonkato' Ekareei Ekama'p_u Sises Uya (Ma'siu 19:1-12; Uru' 16:18)

¹ Miri a'tai, Sises uya miri pata nimi'p_u, miripan uti'p_u Isutiya nono pe te'sen ya' tuna Isotan ratoi

* **9:43** T_uron ni imenukasa' ton uya v. 44 ke iponantisa' se kasa: Miri yau, 'to' weruweei erik_u pen ni, miri awonsi'ki apo' usenk_u'n_uk_u pen ni.' **9:43** Ma'siu 5:30 † **9:45** T_uron ni imenukasa' ton uya v. 46 ke iponantisa' se kasa: Miri yau, 'to' weruweei erik_u pen ni, miri awonsi'ki apo' usenk_u'n_uk_u pen ni.' ‡ **9:48** Aisaya 66:24 **9:50** Ma'siu 5:13; Uru' 14:34-35

pon anpisin pe ri kanan ka'pon amu' uye'kaa'pu ipiya', miripan kon enupa'pu iya, taseru yau ri.

² Pari'si amu' tonpa ton uyee'pu ipiya', miripan kon uya i'tupitu'pu ekama'popitu tuuya'nokon wini, "Main awiri ri e'ni pe ri pe' iyese ka'pon uya tano'pu nonka a'tai?" ta'pu to' uya.

³ Sises uya to' eiku'pu to' ekama'po pe, "I'ri tawon ken Main tura'pu Mosi' uya iyena'nokon?" ta'pu iya.

⁴ To' uya eiku'pu, "Mosi' uya itusa' ka'pon uya e'nonkan nito' karetaai tamenukai' tano'pu enno'to' pe tasa' iya," ta'pu to' uya.

⁵ Sises uya ta'pu to' pi', "Mosi' uya seri main menuka'pu, apune para sa'man pe ri iyewan kon esi pi'. ⁶ E'tane iye'kapu epiya'ti yau, 'Papa uya warawo' miri awonsi'ki uri'san kaa'pu,* tasa' iya. ⁷ 'Miri wenai, warawo' uya tukupunu miri awonsi'ki tusan ninto' esi, miripan uta'siku tano'pu ya,† ⁸ miripan asa'ron kon ena tikin ni ipun,‡ tasa' iya. Asa'ri to' esi pen, e'tane tikin ni to' esi. ⁹ Miri pe iyese pi', Papa na'siku'san isipona mo'ka ka'pon uya kuse'nin," ta'pu iya.

¹⁰ To' enna'posa' a'tai iuti ta', ipoitoru ton uya seri pi' ekama'po'pu. ¹¹ Eiku'pu iya, "Inu' ri tano'pu nonkayai'ne' miripan uya taron ni uri'san mari'ma ekuma pe iyese tano'pu piya-pai. ¹² Miripan tutaan'pu nonka iya pe iyese yau miripan uya taron ni warawo' mari'ma yau, iyekuma pe ri iyese miri," ta'pu iya.

10:4 Isu'taronomi 24:1-4; Ma'siu 5:31 * **10:6** Iseneses 1:27; 5:2
 † **10:7** Taron ni imenukasa' ton, miripan kon uta'siku tano'pu ya, tawon para iyese. ‡ **10:8** Iseneses 2:24 **10:12** Ma'siu 5:32; 1 Koren 7:10-11

Mure Amu' Parema'pu Sises Uya
(*Ma'siu 19:13-15; Uru' 18:15-17*)

¹³ Ka'pon amu' uya mure amu' nee'pu Sises piya' to' a'pi'to' pe iya, e'tane ipoitoru ton uya to' eseremeku'pu. ¹⁴ Sises uya ensa' a'tai, isako-rota'pu, miripan uya ta'pu tupoitoru ton pi', "Tiwi mure amu' nyeyehi upiya'. To' kasereutanu'tau, apune para Papa e'to' esa' wanni pe esi pumasoro waraino kon iwano' pe. ¹⁵ I'napairon ekama uya ipi'nokon, inu' ri kuri Papa e'to' esa' wanni pe eporo iya para na'ne' mure kasa te'se ewonto' oton pen ni ya'," ta'pu iya. ¹⁶ Mure amu' anumu'pu iya temekon pona, miripan kon pona temiyatu tutuse to' parema'pu iya.

Imaminke' Moineri'pi
(*Ma'siu 19:16-30; Uru' 18:18-30*)

¹⁷ Utin pi' Sises e'sara'ti koro'tau, ka'pon eka'tunsa' uyee'pu, miripan e'sekunka'pu irau, miripan uya ekama'po'pu, "Waku, Ti'sa, i'ri kuru ku'to' uya esi tiwiri uko'man nito' epoto' pe uya?" ta'pu iya.

¹⁸ "I'ri pe iyese pi' Waku tukai' uyesaku auya?" tukai' Sises uya eiku'pu. "Inu' waku para ri iyese, e'tane Papa riken. ¹⁹ Mosi' namenuka'pu i'tu auya: 'Inu' ri ku'winii, iyemari'masa' uri'san kusekumankai, ama' pe kesii, kasi pe ka'pon pi' kasaurokai, enku'tinin pe kesii, ikupunu miri awonsi'ki asan inamaki,'S tawon," ta'pu iya.

²⁰ "Ti'sa, tanporo ri seri ton awiri e'sa' man mure' esi'pu si'kiri ri," ta'pu iya.

21 Sises uya ene'pɥ i'nunka pe, “Tikin nan niken e'nonkasa' man. Tanporo ipiyau na'ne' iku'ɥo'pomata, miripan epe'pɥ tɥɥ pa entu'manin nan ena'. Miri a'tai nin si, imaminke' pe iwesi miri Eɥn po. Miri ku'sa' auya tɥo, upikiri iuyepɥ pa,” ta'pɥ iya ipi'.

22 Miri eta iya a'tai, ika'ni' pɥra ri itemɥ' ena'pɥ. Pokoi pe iti'pɥ, apɥne pɥra eke pe kuru itimamin esi'pɥ.

23 Sises uya tenu tɥpitu'pɥ, miripan uya ta'pɥ tɥpoitorɥ ton pi', “Sa'man pe kuru ri iyese, imaminke' ton epa'ka poken pɥra Papa e'to' esa' wannɥ pe ya!” ta'pɥ iya.

24 Ipoitorɥ ton usewansiuka'pɥ imaimu pi'. E'tane Sises uya takaa'pɥ kanan, “Mɥre amɥ, sa'man pe kuru ri iyese Papa e'to' esa' wannɥ pe ya' epa'kan poken pɥra. 25 Sa'man pe pɥra ri kiyamerɥ epa'ka akusa enu euta awiri, imaminke' epa'ka Papa e'to' esa' wannɥ pe ya' entai,” ta'pɥ iya.

26 Ipan pe miyari ri miri pi' ipoitorɥ ton usewansiuka'pɥ, miripan kon usekama'popitu'pɥ, “Inɥ' kuru ken si epika'ti?” tukai'.

27 To' enei'ma Sises uya ta'pɥ to' pi', “Ka'pon pona sa'man pe iyese, e'tane Papa pona tanporo sa'man pe pɥra iyese,” ta'pɥ iya.

28 Pi'ta uya ta'pɥ ipi', “Tanporon ni sa'ne ninsa' ina uya ipikiri tɥutito' kon pe,” ta'pɥ iya.

29 “I'napairon ekama uya ipi'nokon,” ta'pɥ Sises uya, “inɥ' ri kuri tɥpata'se', takon non, tɥparusi ton, tɥsan, tɥkupɥnɥ, tɥmunki amɥ' miri pe pɥra tɥmainarɥ ninsa' iya na'ne', uri pikiri miri awonsi'ki wakɥ itekare pikiri, uya 30 eke pe ri tepe'pɥ eporo miri, seri pe na'ne' entai ri

— tɔpata'se', takon non, tɔparusi ton, tɔsanon, tɔmunki amɔ' miri awonsi'ki tɔmainarɔ ri miri awonsi'ki ewa'noman ni niri — miri awonsi'ki seri enta', tiwi ri uko'man nito' eporo iya. ³¹ Tu'kan kon ni wapiya na'ne' nan e'to' oton iu'matɔ pe, miri awonsi'ki iu'matɔ pe iye'sa' kon nin si e'to' oton wapiya te'ton kon pe,” ta'pɔ iya.

*Itosorɔwano Pe Sises Kanan Usauro'kaa'pɔ
Teri'to' Pi'*

(Ma'siu 20:17-19; Ƴru' 18:31-34)

³² To' uti koro'tau Surusiran pona, Sises to' rawiri, ipoitorɔ ton usewansiukasa' esi'pɔ, to' pikiri te'san enari'nɔntane. Sises uya kanan tɔpoitorɔ ton pantaka'pɔ, miripan uya tɔpi' te'ku'ton ekama'pɔ to' pi'. ³³ “Uti'nokon seri Surusiran pona. Miri yau Ka'pon, Papa winon eparankato' oton use'man nito' tɔrawasomanin nan epuru ton miri awonsi'ki Main pi' enupanin nan ena', to' uya eno'mato' oton ima'tato' ya', miripan tɔto' oton to' uya Esuwerɔ amɔ' pen ena'. ³⁴ Kamoro uya nin si isapema miri, to' eta'tapitɔ ipona, to' uya ari'po'pitɔ; miri awonsi'ki to' uya iwini. Osorɔwau wɔi pata'pɔ pe, iye'mɔ'sa'kato' oton,” ta'pɔ iya.

Isens Miri Awonsi'ki Isaan Nekama'ponɔ

(Ma'siu 20:20-28)

³⁵ Miri a'tai, Isens miri awonsi'ki Isaan, Sepiti munki amɔ' uyee'pɔ ipiya', “Ti'sa, i'ri ri ina nekama'poyai'ne' ipi' kupɔ auya i'se ina man ina iwano' pe,” ta'pɔ to' uya ipi'.

³⁶ “I'ri ken kupɔ uya i'se me'atɔu iiwano' kon pe?” ta'pɔ iya.

37 “Tiwi tikin ni iyenwo'netu wini miri awonsi'ki akamisi wini ina nereutai ayapon po iyereutasa' a'tai karore po,” ta'pu to' uya ipi'.

38 “Iri pi' uyekama'po auya'nokon tukai' i'tu auya'nokon para ri iyesei,” ta'pu Sises uya. “Sen-siyai'ne' ken pe' ensi auya'nokon, miri pe para iyepa'taisima kon ken pe' epa'taisimayai'ne' ike ke?” ta'pu iya.

39 “Ina uya ri ikupu,” ta'pu to' uya.

Sises uya ta'pu to' pi', “Inapairi ri unensinu ri ensi auya'nokon, iyepa'taisima kon ni epa'taisimayai'ne' ke. ⁴⁰ E'tane ereutapai me'atui'ne' uyenwo'netu miri awonsi'ki ukamisi wini kupu uya poken para iyesei. Seri esi miri kamo to' ku'sa' na'ne' nan Papa uya ri pata'se' pe iyesei,” ta'pu iya.

⁴¹ Kamo 10 kaisaron kon uya seri etasa' a'tai, Isens miri awonsi'ki Isaan pokon pi' to' usakorota'pu. ⁴² Sises uya tanporo to' amuranuku'pu, miripan uya ta'pu to' pi', “I'tu auya'nokon ni kamo itepuru pe na'ne' nan ni esi miri Esuweru amu' pen epuru pe, miripan eke ton uya tamerunitiru kon apuri to' pi'. ⁴³ E'tane miri kasa iwesi kon pen. E'tane ru'ku, inu' ri esi yau eke pe enapai i'korotaunokon e'to' pe iyesei ipoitoru kon pe, ⁴⁴ miri awonsi'ki inu' ri esi yau wapiyaro' e' pe e'pai, tiwi nesii tanporon kon apiyo' pe. ⁴⁵ Apune para Ka'pon, Papa winon uye'sa' miri tapiyo' pe e'nito' pe pen, e'tane apiyo' pe e'se'na, miri awonsi'ki tuku'manto' tase'na tu'kan kon ka'pon amu' epe' pe,” ta'pu iya.

Tenku'nan Epi'ti'p_u Sises Uya
(Ma'siu 20:29-34; Uru' 18:35-43)

⁴⁶ Iseri'ko pona to' uyee'p_u. Sises miri awonsi'ki ipoitor_u ton miri tupo anpisin ton ka'pon amu' uya miri eke pata nimi koro'tau, tenku'nan ka'pon, Pa'timeyas itese' ereutasa' esi'p_u asanta ka'ta po eta'kwan_u ni pi' (Timeyas mumu pe te'sen).

⁴⁷ Sises k_uri ri Nasare' pon tawon etasa' tauya a'tai, uki'pi'n_unpi' ni pi' iye'sara'ti'p_u, "Sises, Tepi' pa ru'p_u, upi' isentu'maki!" ta'p_u iya.

⁴⁸ Tu'kan kon uya ri eseremek_u'p_u e'pana iye'to' pe, e'tane ri miyari ri iki'pi'n_unpi't_u'p_u, "Tepi' pa ru'p_u, upi' isentu'maki!" ta'p_u iya.

⁴⁹ Sises e'tak_u'ka'p_u, miripan uya, "Iki'mati'," ta'p_u.

Miripan kon uya nin si iki'ma'p_u, "Epori'ma! E'm_u'sa'ka'! Iki'ma iya," ta'p_u to' uya ipi'. ⁵⁰ T_upon p_uro'pon nin si eno'ma'p_u iya miri, te'san_um_u pe iye'm_u'sa'ka'p_u, miripan uyee'p_u Sises piya'.

⁵¹ "I'ri kup_u uya i'se me'an iiwano' pe?" ta'p_u Sises uya ipi'.

Tenku'nan ka'pon uya, "Rapai,* ennin pe kanan e'pai e'ai'," ta'p_u.

⁵² "Enta, anapurin_u uya iyepi'tisa' man," ta'p_u Sises uya ipi'. Inke p_ura ri, ennin pe iyena'p_u, miripan nin si uti'p_u miri asanta tawiri Sises pikiri.

11

Sises Epa'ka'p_u Surusiran Pona
(Ma'siu 21:1-11; Uru' 19:28-40; Isaan 12:12-19)

* **10:51** Rapai, Ti'sa ta e'kwa pe

1 Surusiran eporo to' uya koro'tau, Pe'pake miri awonsi'ki Pe'tani ya' si to' uye'ka'sa' Are' Wapua pon, Sises uya asa'ron kon tupoitoru ton ennoko'pu² tai'ma to' pi', "Entanti' iyentau'nokon na'ne' eke iwa pata ya', iya' iyepa'ka kon pe ri, miri yau eporo auya'nokon miri isa'ka'si mare ewa'tisa', inu' uti'pu ipo pen ni. Teukai' mane'tui' seri ya'.³ Inu' uya ri iyekama'po kon yau, 'I'rito' pe miri kupu auya'nokon?" tukai', 'Itepuru esi i'se inke pura inna'poto' pe tauya ri, 'makatui' ipi,'" ta'pu iya.

4 Miripan kon utisa' uya isa'ka'si mare eporo'pu puroroi po asanta tau ewa'tisa' mara'ta piyau. Euka pi' to' esi koro'tau,⁵ miri yau iye'soto'pi'sa' kon ka'pon amu' uya, "I'ri kupu auya'nokon, kari ri isa'ka'si mare meukayatui'ne'?" ta'pu to' pi'.⁶ To' eiku'pu to' uya, Sises uya ta'pu kasa ri, miripan kon uya to' uya ato' pe ikupu'pu.⁷ Isa'ka'si mare ne'sa' to' uya a'tai Sises piya', tapon kon tapitu'pu to' uya ipuro'pona, miripan po iyereuta'pu.⁸ Tu'kan kon ka'pon amu' uya tapon kon ta'nuku'pu asanta tawiri, taron kon uya miri'tawon yai pan-taru'pi'sa' ta'nu'tane asanta tawiri.⁹ Kamoro to' rawiri tautisan miri awonsi'ki kamoro to' e'ma'pu pe tautisan uki'pi'nunpitu'pu,

"Usana!"*

"Pori' ri kari esi Itepuru ese' yau naye'ai'ne'!"

10 "Pori' pe ri e'ni ukupunu kon Tepi' e'to' esa' wannu pe uyepu pi'!"

"Usana ka' entawon yau!"

* 11:9 Usana! Ipuru amu' maimu, Pika'ti! ta e'kwa iyenasa' apuripi'nito' yai pe; v. 10 yau niri.

tukai'.

¹¹ Sises epa'ka'p_u Surusiran pona, miripan uti'p_u Esuwer_u am_u' use'mato', ip_uremato' iw_u' ta', miripan uya tanporon ni enpitu'p_u. Pata uko'manka'sa' pi' nin si, iyenna'po'p_u miri Pe'tani pona 12 kaisaron kon t_upoitor_u ton pokon pe.

*Yui Pa'nuk_u'p_u Sises Uya
(Ma'siu 21:18-19)*

¹² Miri ema'sa' yau, Pe'tani poi to' enna'po koro'tau, Sises esi'p_u iwan pe. ¹³ Inni tare kenan, pi' e' ene t_uuya pi', iti'p_u teperu ke pe' iyesi tukai' ense'na. Eposa' iya a'tai, i'ri eporo'p_u iya pen ni, iyare ton niken, ap_une p_ura pi' weyu pe p_ura pata esi'p_u,† ¹⁴ miripan uya ta'p_u pi' e' pi', “Tiwi si in_u' ri iyeperu na'nin kanan seri enta',” ta'p_u iya. Ipoitor_u ton uya miri ta iya eta'p_u.

*Sises Uti'p_u Esuwer_u Am_u' Use'mato', Ip_uremato'
Iw_u' Ta'
(Ma'siu 21:12-17; Uru' 19:45-48; Isaan 2:13-22)*

¹⁵ Surusiran eporo pe, Sises ewom_u'p_u Esuwer_u am_u' use'mato', ip_uremato' iw_u' p_u'ka' ta', miripan e'sara'ti'p_u usenapi' ni pi', kur_upo'po pi' miri yau te'san enpa'kapitu' pi'. P_urata ensimapi'nin nan tep_ur_uui rawoipitu'p_u iya miri awonsi'ki wako'wa am_u' kur_upo'pomanin nan apon ton ni, ¹⁶ in_u' uya ri tukur_upo'pooi ari i'se p_ura ri iyesi'p_u miri awiri. ¹⁷ To' enupa t_uuya koro'tau nin si, “Iye'menukasa' p_ura pe' nai:

“ ‘Uiw_u' esa'to' oton

† **11:13** Pi' e' are enpu na'ki eporo t_uuya t_uni'ton tukai' Sises esi'p_u, teperu ke iyena rawiri. Itenpu p_ura si iyesi pi', Sises uya i'tu'p_u tepetasen ye' pe p_ura iyesi tukai', miripan pa'nuk_u'p_u iya.

tanporon kon tɔpataron kon ipɔremato'
iwɔ',‡
tukai'? E'tane 'ama' amɔ' en pe ri'§ iku'sa'
auya'nokon," ta'pɔ iya.

¹⁸ Papa ena' use'man nito' tɔrawasomanin nan epuru ton miri awonsi'ki Main pi' enupanin nan uya miri eta'pɔ, miripan kon e'sara'ti'pɔ iwito' tɔuya'nokon eseru warinpa pi', ipi' tenari'nɔmɔ kon pi', apɔne pɔra anpin ni usewansiukasa' pi' to' enupato' iya pi'.

¹⁹ Pata uko'mansa' a'tai, Sises miri awonsi'ki ipoitorɔ ton uti'pɔ pata yapai.

Usenupan Nito' Pi' E' Pi'
(Ma'siu 21:20-22)

²⁰ Awanakɔ' miri ema'sa' yau, to' uti koro'tau asanta tawiri, to' uya pi' e' ene'pɔ. Iyeri'sa' esi'pɔ siya ri imi' pona ri. ²¹ Pi'ta enu ya' iyee'pɔ, miripan uya ta'pɔ Sises pi', "Rapai,* apɔne enki. Pi' e' anpa'nɔkɔ'pɔ useketasa'!" ta'pɔ iya.

²² Sises uya eikɔ'pɔ, "Papa apurito' esa' pe e'ti'.
²³ I'napairon ekama uya ipi'nokon; inɔ' uya ri se wɔ' pi' ta pe iyese yau, 'Parau ka' isennasikata,' ikasimai'ma pɔra tewan yau, e'tane apurii'ma tɔmaimu awiri iye'kupɔ tukai', iye'kupɔ ri itiwano' pe. ²⁴ Miri pi' ekama uya ipi'nokon, i'ri ri ekama'po auya'nokon a'tai iwipɔremato' kon yau, apuriti' eposa' auya'nokon tukai', miri a'tai iiwano' kon pe ri iyese. ²⁵ Ipɔreman pi' iye'mɔ'sa'kasa' kon a'tai, miri koro'tau ekamɔra ri inɔ' pi' ri iwesi

‡ 11:17 Eren 118:25-26 § 11:17 Aisaya 56:7; Iseremaya 7:11

* 11:21 Rapai, Ti'sa ta e'kwa pe 11:23 Ma'siu 17:20; 1 Koren 13:2

kon yau, ipi' isentu'mati', ikai'pənən kon, Eṙən pon usentu'mato' pe amakooi kon pi'," ta'pṙ Sises uya.†

Sises Ekama'popitṙ pṙ To' Uya
(Ma'siu 21:23-27; Ṙru' 20:1-8)

²⁷ Surusiran pona kanan to' enna'pokaapṙ. Sises usari koro'tau Esuwerṙ amṙ use'mato', ipṙremato' iwṙ pṙ'kṙ tau, Papa ena' use'man nito' tṙrawasomanin nan epuru ton, Main pi' enu-panin nan miri awonsi'ki Esuwerṙ amṙ epuru ton uyee'pṙ ipiya', ²⁸ miripan kon uya ekama'po'pṙ, "Ṙri meruntirṙ wini seri ton kupṙ auya? Inṙ uya seri merunti ke irepasa' seri kupṙ pa?" ta'pṙ to' uya.

²⁹ Sises uya entakanoma'pṙ, "Tikin nan pi' ri iyekama'po uya 'nokon. Uyei'ti'; miri a'tai nin si ekama uya miri, miri wini umeruntirṙ tepose, seri ton kupṙ uya tukai'. ³⁰ Isaan uya pa'taisiman nito'—Eṙən winon pe', miri pe pṙra ka'pon amṙ winon kati? Ekamati!" ta'pṙ iya.

³¹ Tiwano' kon pe to' usaurokṙ'pṙ, " 'Eṙən winon,' ta pe iyesi yau, 'Ṙri pe ken si iyesi pi' apuri auya'nokon pṙra iyesi'pṙ?' ta iya esi. ³² E'tane, 'Ka'pon amṙ winon,' ta pe iyesi yau,... ." (To' enari'nṙmṙ ka'pon amṙ pi', apṙne pṙra tanporon kon uya ri Isaan esi pu'kena' pe ta pi'.)

³³ Miripan kon uya Sises eikṙ'pṙ, "Ina uya i'tu pṙra man," ta'pṙ to' uya.

† **11:25** Tṙron ni imenukasa' ton uya v. 26 ke iponantisa' se kasa: 26 E'tane tṙsentu'masen pe pṙra iwesi yau, ikai'pənən, Eṙən pon usentu'ma pṙra ri iyesi miri amakooi ton pi'.

Sises uya ta'p_u to' pi', "Apana'ti uya 'nokon p_ura ri niri iyesi miri, miri meruntir_u wini seri ton kup_u uya tukai'," ta'p_u iya.

12

Umi Esa' Pe Inonkasa' Kon Pantom_u (Ma'siu 21:33-46; Uru' 20:9-19)

¹ Panton yai to' auro'ka pi' Sises e'sara'ti'p_u: "Ka'pon uya umi pimi'p_u kure' itese', si'na' pe te'sen kiyari ye' ke. Iwoi iwekupiri'ti'p_u iya, ikasu'kato' iyai aka'p_u iya, miri awonsi'ki ipa'simato' awonsi'ki ka'tawon soto'pan iuti ami'p_u iya. Miripan nin si taru'p_u iya miri umi pi' te'san ena', miripan uti'p_u siya ri t_upata'se' yapai. ² Iyak_up_usa' anam_u weyu si e'seposa' a'tai, t_upoitor_u si ennoko'p_u iya umi taru'p_u t_uuya itena' ton piya' ti'kiyari epose'na. ³ E'tane kari ri a'si'p_u to' uya, ipanta'ma'p_u to' uya, miripan nin si ennoko'p_u to' uya miri itemiyatu aru p_ura ri. ⁴ Miri a'tai, taron ni kanan t_upoitor_u ennoko'p_u iya to' piya'; i'pai pi' nin si p_use ri wipitu'p_u to' uya miri, miripan iri pe ri to' uya ikup_u'p_u. ⁵ E'tane ri kanan taron ni ennoko'p_u iya. Kari ri nin si wini'p_u to' uya miri. Tu'ke ri taron kon enno'pitu'p_u iya; taron kon ni panta'mapitu'p_u to' uya, taron kon ni wini'ima.

⁶ "Tikin ni nin si inennokon_u e'nonkasa' esi'p_u, imu ri nin si, ini'n_ukan_u. 'P_use ri, umu nin si nama to' uya miri,' tai'ma nin si tanporon kon u'matu pe ennoko'p_u iya.

⁷ "E'tane nin si to' uya ta'p_u miri, tiwano' kon pe, 'P_use ri kuru p_use ri kiyari pata'se' an_unton. Iwito' kon pe isi'ti', in_um_un_u e'to' pe uiwano' kon pe,'

ta'pɥ to' uya. ⁸To' uya si a'si'pɥ, miripan wini'pɥ to' uya, miripan eno'ma'pɥ to' uya kiyari e'kwa apai.

⁹“T'ri ken si kupɥ kɥri ri kiyari e'kwa esa' uya? Iyepɥ kamoro itesa' pe tɥnnonka'san wise'na, miripan uya nin si miri kiyari e'kwa tɥrɥ miri tɥron kon ena'. ¹⁰Itekare pe' iye'menukasa' ennin nan pen imiri'nokon:

“Ti' iuti aminin nan neno'ma'pɥ
enasa' itekun airon ti' pe;

¹¹Itepuru uya ri seri ku'sa', miripan esi wakɥ pe
kuru uyenu kon yau,*
tukai'?”

¹²A'sito' tɥuy'a'nokon ipikiri warinpa'pɥ to' uya, apɥne pɥra tɥpi'nokon ta iya e'kwa pe miri panton ekamasa' iya tukai' to' uya i'tu'pɥ. E'tane anpsin ton ka'pon amɥ pi' to' enari'nɥmɥ'pɥ; miripan kon uya nin si inimi'pɥ miri, to' uti'pɥ ipiyapai.

Esuwerɥ Amɥ' Uya Ri Pe' Pɥrata Nonka Pata Esa' Ena'?

(Ma'siu 22:15-22; Uru' 20:20-26)

¹³Emennɥ'pɥ po iwa ri, Pari'si amɥ' miri awonsi'ki Era' pikiron kon ennoko'pɥ to' uya Sises eparanti' imaimu wini. ¹⁴To' uyee'pɥ ipiya', miripan kon uya ta'pɥ ipi', “Ti'sa, ina i'tu pi' man i'napairon ye' pe iwesi tukai'. Ka'pon amɥ' ri nensimanɥ pe pɥra iyaseru esi, apɥne pɥra inɥ' pe ri to' esi pi' te'namasen pe pɥra iwesi; e'tane Papa eseru pi' enupan auya i'napairon awiri. Ipoken pe' iyesi Sisa ena' pɥrata tɥtɥsen e'ma a'tai, kane kati? ¹⁵Ina uya pe' e'ma, miri pe pɥra ina uya e'ma pen ni kati?” ta'pɥ to' uya.

* **12:11** Eren 118:22-23

E'tane wak_u pe to' e'ku'to' eseru i'tusa' Sises uya esi'p_u, “I'ri pe iyese pi' usa'mapai iwesi kon? Ap_une p_urata pun† ine'ti' ento' pe uya,” ta'p_u iya. ¹⁶ To' uya p_urata pun nee'p_u, miripan kon ekama'po'p_u iya, “In_u' nai ipi'? Miri awonsi'ki in_u' ese' nai ipi'?” ta'p_u iya.

“Sisa,” ta'p_u to' uya.

¹⁷ Miri a'tai, Sises uya ta'p_u to' pi', “Sisa iwano' ri it_uti' Sisa ena', miri awonsi'ki Papa iwano' ri kanan t_ur_u auya'nokon Papa ena',” ta'p_u iya.

Miripan kon nin si usewansiuka'p_u miri ipi'.

Eri'ni T_upo E'm_u'sa'kan Nito'

(Ma'siu 22:23-33; Uru' 20:27-40)

¹⁸ Miri a'tai, Satu'si am_u', eri'ni t_upo e'm_u'sa'kan p_ura ri iyese tawon nan uyee'p_u Sises ekama'pose'na. ¹⁹ “Ti'sa, Mosi' uya imenukasa' uiwano' kon pe, ka'pon rui eri'sa' yau, t_uno'p_u t_unonkai' imunki p_ura, iyakon n_u'p_u uya ino'p_u r_u'p_u mari'mato' pe iyese, miripan kon umu'tato' pe t_urui iwano' pe. ²⁰ Moro 7 kaisaron kon isirunan esi'p_u. Wapiyaro' emari'ma'p_u, miripan eriku'p_u innonkaton kon imunki am_u' p_ura ri. ²¹ Ipi'kiron n_u'p_u uya nin si ino'p_u r_u'p_u mari'ma'p_u miri, e'tane iyeriku'p_u t_uumu'tai' p_ura ri kanan. Miri kasa ri to' osor_uwano pe te'sen esi'p_u. ²² Miri kasa ri tanporo 7 kaisa ri to' esi'p_u imunki am_u' p_ura ri to' eri'pitu'p_u. K_uri ri nin si uri'san eriku'p_u miri to' e'ma'p_u pe ri. ²³ Eri'ni t_upo e'm_u'sa'kan nisa' a'tai, in_u' no'p_u pe ken si iyese miri, ap_une p_ura sa'ne 7 kaisaron kon uya imari'mapi'sa'?” ta'p_u to' uya.

† 12:15 p_urata pun –tenariyas itese'

24 Sises uya ta'pɔ to' pi', "Ipoken pɔra pe' iwesi kon pen miri iye'menukasa' itekare miri pe pɔra Papa meruntirɔ i'tu auya'nokon pɔra iyese pi'?"
 25 Iyeri'sa' kon e'mɔ'sa'kasa' a'tai, to' emari'ma pɔra ri iyese, miri pe pɔra to' e'turɔ pen ni emari'man nito' yau; Epɔn pon kon, inserɔ amɔ' kasa to' e'to' oton. 26 Iyeri'sa' kon e'mɔ'sa'ka tawon pi', Mosi' karetaai yawon pe' ensa' auya'nokon pɔra ri iyese, yu' epo'ti'pɔ tawon? Miri yau, Papa uya ta'pɔ ipi', 'Uri kɔri ri Epɔra'an, Aisi' miri awonsi'ki Seko' pokon e'to' itese' pi'.‡ 27 Papa, iyeri'sa' kon e'to' itese' pi' pe iyese pen, e'tane nurinan kon niken. Ipoken pɔra kuru iwesi kon miri," ta'pɔ iya.

Eke Kuru Iyawiri E'nito'

(Ma'siu 22:34-40; Uru' 10:25-28)

28 Main pi' enupanin nan tonpa uye'sa' uya to' usaurokɔ etapitɔ'pɔ. Wakɔ pe to' maimu ei'sa' Sises uya pi', ekama'po'pɔ iya, "Tanporon iyawiri e'nito' pe inonkasa' Main ton koro'tapai, nai esi eke pe kuru?" ta'pɔ iya.

29 Sises uya ta'pɔ ipi', "Se kuru seri eke, 'Etati' Esuwerɔ amɔ' rɔ'kwi; Itepuru itese' pi' e'nito' esi, tikin nan ni Itepuru; 30 Itepuru, itese' pi' iwe'to' i'nɔnkaki tanporo iyewan pokon pe, aya'kwarɔ pokon pe, iusenuminkato' pokon pe miri awonsi'ki tanporo imeruntirɔ pokon pe, '§ tawon. 31 Ipikiron esi se: 'Itɔnpa i'nɔnkaki misi'nɔnkayai'ne' kasa,* tawon. Seri ton iyawiri e'nito' entaino eke pɔra ri iyese miri," ta'pɔ Sises uya ipi'.

‡ 12:26 E'sotas 3:6
 Ripaiti'kas 19:18

§ 12:30 Isu'taronomi 6:4-5

* 12:31

32 “Ti'sa, waku pe kuru ei'sa' auya man, ipoken ni mukayai'ne' esi, Papa esi tikin nan ni, inu' pura ri iyese e'tane kari ri riken. 33 Inunkato' tanporo ewan wanni pokon pe, ito'ka'nu'to' pokon pe miri awonsi'ki meruntiru wanni pokon pe, miri awonsi'ki tonpa inunka usi'nunkan kasa ri esi eke pe kuru tapo'tise tatusen miri awonsi'ki taron ni ton ni use'man nito' entai,” ta'pu iya.

34 Waku pe teiku iya etasa' Sises uya a'tai, “Inni pura ri me'ai' Papa e'to' esa' wanni pe piyapai,” ta'pu iya ipi'. Miri awonsi'ki nin si miri enta', inu' ri esi'pu inekama'popi'pai pura.

Inu' Pa Ru'pu Pe Karai Esi?

(Ma'siu 22:41-46; Uru' 20:41-44)

35 Sises esi koro'tau enupan pi' Esuweru amu' use'mato', ipuremato' iwu' pu'ku tau, to' ekama'po'pu iya, “I'ri pe iyese pi' Main pi' enupanin nan uya Karai† esi Tepi' pa ru'pu pe ta? 36 Tepi' ri usauroku'pu Waku A'kwaru uya tumaimu'tii', “Itepuru uya ta'pu uyepuru pi':

“Ereuta' enwo'ne' uyemiyatu wini, iyeyaton non taru uya

a'ta o'koi' pu'ku pona,”‡ ta'pu iya.'

37 Tepi' uya tumiri pe ri ‘uyepuru' tukai' esaku, nai kasa ken ipa ru'pu pe iyese nesii'no?” ta'pu iya.

Anpisin ton Sises etanin nan esi'pu pori' pe.

38 To' enupa tauya koro'tau, Sises uya ta'pu to' pi', “Tenu ke e'ti' Main pi' enupanin nan pi', ipininpaino kon kusan taron kon yau, ‘Miyari,’ ta i'sero' kon tapi'nokon karapo'po pi' e'ni

† 12:35 Karai (Kiri' maimu yau); miri pe pura, Me'saya (Ipuru maimu yau), asa'ri ri mari iyese, Papa Nanmu'pu ta e'kwa pe.

‡ 12:36 Eren 110:1

pata'se' yau ri, ³⁹ eke ton apon po kuru te'san Esuweru amu' usenupato' iwu' tau, miri awonsi'ki tnamasan pata'se' yau kuru te'san enta'nan a'tai'ne. ⁴⁰ Itaan'pu ima'tasa' ru'san iwu' mo'kanin nan to' enapai, miripan kon ipurema kusan pe, mi pe te'kupu kon pe. Pusamoro waraino kon kota'ma miri isi pe kuru ri," ta'pu iya.

Itaan'pu Ima'tasa' Ru'pu Nuturunu
(Uru' 21:1-4)

⁴¹ Sises ereuta'pu tutusen nonkato' to' uya pata'se' ratoi pe, anpisin ton ka'pon amu' uya tparataai kon tpu'itu Esuweru amu' use'mato', ipuremato' iwu' parataai yen ya' enpu'pi'. Tu'kan kon ni ipurataaike' ton uya eke pe ri itupitu'pu. ⁴² E'tane ru'kwu' nin si entu'manin itaan'pu ima'tasa' ru'pu uyee'pu, miripan uya ru'kwu' asa'ron parata ka'pa muku'pi§ taru'pu, *peni* punu'pi ru'kwu' ri.

⁴³ Tupoitoru ton tuki'mai' tpu'iya', ta'pu to' pi', "I'napairon ekama uya ipi'nokon, puse ri entu'manin itaan'pu ima'tasa' ru'pu uya eke pe kuru itasa' miri parata yen ya', tanporo taron kon entai kuru. ⁴⁴ Tparataai kon tonpa ri nin tusa' to' uya, e'tane kuru ri, tekota'mato' apai ru'kwu' ri tanporo ri tpu'iyawon taru'pu tuko'manto' ipi' ru'kwu' ri," ta'pu iya.

13

Ima'kuu' Ton Non Weyu U'matu Ekamanin Nan
(Ma'siu 24:1-31; Uru' 21:5-28)

§ 12:42 asa'ri ire'pu'ta amu' Kiri' maimu yau

¹ Esuweru amu' use'mato', iparemato' iwu' nimi iya koro'tau, ipoitoru ton tonpa uya ta'pu ipi', "Ti'sa, apune enki; i'ri eke ton ni ti' amu'! I'ri waku pe ri amisa' iuti ton!" ta'pu iya.

² "Tanporo ri pe' seri ton eke ton iuti amipi'sa' menyan?" ta'pu Sises uya. "Tikin ni ri ti' e'nonkato' oton pen miri isipuro'po; tanporon ni uta'po'to' oton miri," ta'pu iya.

³ Sises ereutasu' koro'tau Are' Wupu po, Esuweru amu' use'mato', iparemato' iwu' rato'i pe, Pi'ta, Isens, Isaan, miri awonsi'ki Anturu pokon uya ekama'po'pu ama'ai, ⁴ "Ina pi' ekamaki, i'ri a'tai kuru ken si seri ton e'ku'to' oton? I'ri kuru ken si esi miri ento' ipi' pe tanporo seri ton uta'ku'ti ekamanin pe?" ta'pu to' uya.

⁵ Sises uya ta'pu to' pi', "Tenu ke e'ti', inu' uya ri iyenku'ti kon namai'. ⁶ Tu'kan kon ni uye'to' oton uyese' yau, 'Uri ri kuru ri,' ka'se'na, miripan kon uya tu'kan kon ni enku'tito' oton.

⁷ Tu'usewa'nomasan miri awonsi'ki usewa'noman man tawon eta auya'nokon a'tai, ketuipi'tau miri pi'. Seri warai'nan ni e'ku'to' pe iyese e'tane apune ri non weyu u'ma'to' uye'tane ri iyese. ⁸ Tu'pataron kon uya tu'pataron kon ni niri ewa'nomato' oton, miri awonsi'ki esa' wannu pe ri te'san uya esa' wannu pe te'san ni niri ewa'noma. Miri a'tai, turu'punu amu' miri awonsi'ki iwankan e'to' oton miri pata kaisa ri. Seri ton si esi miri e'tinkan e'sara'ti pe.

⁹ "Iserasu pe ri me'tai'. Ituto' oton kon miri pata konsuru' amu' ena', miri awonsi'ki Esuweru amu' usenupato' iwu' tau ayari'po'pi'to' oton kon. Uri pikiri iye'soto'kato' oton kon kopana amu', miri

awonsi'ki kin amu' rau ri to' pana ya' uri ekama pi'. ¹⁰ Miripan wapiya kuru waku itekare usekamato' pe iyesi tanporon kon mi yawiron kon pana ya'. ¹¹ To' uya aya'sisa' kon ari a'tai ko'tu ta', pena ri kisewankamatuu, 'I'ri kuru ta uya?' tukai', amaimu'tisa' kon na'ne' ke ri ausauroku kon miri, iiwano' kon pe ausauroku kon pen e'tane Waku A'kwaru usauroku.

¹² "Eri'nito' ya' turui eparankato' oton iyakon uya, ikuripunu uya niri tumure. Miri kasa ri mari, mare amu' enato' oton tusan kon amu' ewa'noma pi' to' eri'to' ya' to' taru pi'. ¹³ Uri uriya' tu'kan kon ka'pon amu' uya iyewaruma'tito' oton kon, e'tane kari ri pana' pe ne'mu'sa'kayai'ne' iu'matu pona ri epika'tito' oton miri.

¹⁴ " 'Iri Kuru Nuirapanin Uma'tan Emapu'tinin'* e'soto'kasa' ene auya'nokon a'tai, tapata'se' pen ni yau—tiwi seri ennin nuto'ka'naku—tiwi kamoro Isutiya po na'ne' nan nainumu wu' ton pona'ne. ¹⁵ Tiwi tiwu' nakapu po te'sen kau'tinin miri pe para kusewonnin ni iuti ta' i'ri ri mo'kai'. ¹⁶ Tiwi inu' ri umi yau na'ne' kusenna'ponin tapon epose'na. ¹⁷ Miri wui a'tai'ne isi pe kuru ri uri'sami'si amu' mono' pe te'san pona iye'to' oton miri, miri awonsi'ki mana' pokon kon imunki pona. ¹⁸ Iparemati' seri e'kupu namai' komi' pe pata e'to' weyu a'tai, ¹⁹ apune para miri waraino ewankamanin e'ku'sa' para ri iyesi iyepiya'ti'pu si'kiri, Papa uya non kaa'pu si'kiri seri pu'ku pona, miri waraino kanan e'ku'to' oton pen ni.

13:11 Ma'siu 10:17-20; Uru' 12:11-12 **13:13** Ma'siu 10:22

* **13:14** Taniyeru 9:27; 11:31; 12:11. **13:16** Uru' 17:31 **13:19** Taniyeru 12:1; Isenpoikasa' 7:14

20 “Itepuru uya seri iweyu ton nu'tisa' p̄ra iyesi yau, inu' ne'nonkai'no pen ni. E'tane anansa' kon, t̄nanamu'san pikir̄i nin ito'kena'masa' iya miri.

21 Miri a'tai, inu' uya ri ta pe iyesi yau ipi'nokon, 'Ap̄ne enti', seri airi K̄rai† man!' miri pe p̄ra, 'Ap̄ne enti!' Mi airi man!' ta pe iyesi yau, k̄sapur̄it̄u. 22 Ap̄ne p̄ra enku'tinin nan k̄rai am̄', enku'tinin nan pu'kena' am̄' usenpoikato' oton, miripan kon uya i'tuto' ipi' ton miri awonsi'ki eke Papa tarawasooi ton ku'to' oton anansa' kon enku'ti pe, ikupū t̄uyua'nokon poken iyesi yau.

23 Miri pi' iiwano' kon pe ri iserasu kon pe e'ti'; tanporon ni ekamasa' uya miri ipi'nokon iweyu wapiya.

24 “E'tane miri a'tai'ne, usewankaman pata'p̄ pe,

“ W̄i enu ewarumanto' oton,
kap̄i e'wei'tito' oton pen;

25 siriki am̄' uta'po'to' oton ka' apai,
miri awonsi'ki ka' yau ri te'san usi'ki'mato'
oton.‡

26 “Miri a'tai si, ka'pon am̄' uya Ka'pon, Papa winon uyep̄ ento' oton miri kapuru' yau eke t̄meruntir̄ ke miri awonsi'ki a'kwa yau,
27 miripan uya t̄inser̄ūi ton ennoko t̄nanamu'san am̄ranu'se asakiri'nan a'setun uye'to' yawiron kon ni, non pu'k̄u u'mat̄u apai'ne, ka' u'mat̄u pu'k̄u ponsi'ki'ne.

† 13:21 K̄rai (Kiri' maimu yau); miri pe p̄ra, Me'saya (Ipuru maimu yau), asa'ri ri mari iyesi, Papa Nan̄mu'p̄ ta e'kwa pe.

‡ 13:25 Aisaya 13:10; 34:4; Isi'kiyer̄ 32:7; Isower̄ 2:10, 31; 3:15; Isenpoikasa' 1:7; 6:12. 13:26 Taniyer̄ 7:13; Isenpoikasa' 1:7

Pi' E' Pi' Usenupan Ni'to'
(*Ma'siu 24:32-35; Uru' 21:29-33*)

²⁸ “Isenupati' se pi' e' pi': Iyepanta'ti are ton atu'ta a'tai, a'ko pe wai a'ne' pe pata e'to' weyu e'seporo tukai' i'tu auya'nokon. ²⁹ Miri kasa ri, seri ton e'kup_u ene auya'nokon a'tai, a'ko pe iyese m_ura'ta nau ri tukai' i'tu auya'nokon. ³⁰ I'napairon ekama uya ipi'nokon; seri a'taino kon kuru ri p_ura iyenato' oton pen ni seri ton e'kup_u p_u'k_u pona ri. ³¹ Ep_un miri awonsi'ki non p_ura iyenato' oton, e'tane umaimu miri tereutat_un pen ni.

In_u' Ni'tun_u Pen Iweyu
(*Ma'siu 24:36-44*)

³² “In_u' uya miri wai miri pe p_ura iwekusi i'tu p_ura ri iyese, inser_u am_u' Ep_un pon kon uya ri miri pe p_ura imu uya ri, e'tane ik_uip_un_u uya ri ken i'tu. ³³ Iiwano' kon pe ri iserasu kon pe e'ti'! Tenu ke e'ti'! S I'tu auya'nokon p_ura iyese i'ri a'tai miri weyu e'seporo tukai'. ³⁴ Inni ka'pon uti kasa iyese: T_upoitor_u ton enau tiw_u' n_umi iya, to' t_urawasooi ke to' t_urepapi'se, miri awonsi'ki m_ura'tanawon pi' tenu ke e'ki tai'ma.

³⁵ “Miri pe iyese pi', enei'ma e'ti', ap_une p_ura i'tu auya'nokon kasa p_ura i'ri a'tai iuti esa' enna'poto' oton tukai'—ko'mam_u pe ri, miri pe p_ura anom_ura' ri, miri pe p_ura ri kiritiki uturum_u a'tai ri, miri pe p_ura pata emak_u a'tai. ³⁶ Ite'kwanau p_ura ri iyep_u iyepoti'nin, iye'n_um_u kon eponin. ³⁷ Ukayai'ne' ri ipi'nokon ni mari ta uya tanporon kon pi': ‘Tenu ke e'ti'!’ ” ta'p_u iya.

§ 13:33 T_uron ni imenukasa' uya, Tenu ke e'ti', miri awonsi'ki ip_uremati'! ta. 13:34 Uru' 12:36-38

14

Sises Karapaima'pɥ Pe'tani Po

(Ma'siu 26:1-13; Ƴru' 22:1-2; Isaan 11:45-53; 12:1-8)

¹ Asa'ri riken wɥi e'ku'ka'sa' esi'pɥ To' Epoi Iti'pɥ Weyu Rɥ'pɥ miri awonsi'ki A'sarutanɥ'sa' Pen Pɥreti Pi' Enta'nan Weyu e'seporo rawiri, miri pi' Papa ena' use'man nito' tɥrawasomanin nan epuru ton miri awonsi'ki Main pi' enupanin nan esi'pɥ ama'ai Sises a'sito' tɥuya'nokon ipikiri warinpa pi' miri awonsi'ki iwito' pe tɥuya'nokon.

² “E'tane Iweyu Rɥ'pɥ a'tai pen, ka'pon amɥ' nin e'sara'ti esi usewa'noman pi',” ta'pɥ to' uya.

³ Pe'tani po iyese koro'tau, tɥteire' po tenai tepɥru piyau, ka'pon, Saiman, erekɥ'pan tukai' ti'tusen iwɥ' tau, uri'san uyee'pɥ po'toro arapasta yawon, epe'kena' po'piyun esukenan natɥ konekasa' esa' pe. Tɥputurɥkai' i'pai pona po'piyun ma'pɥ iya.

⁴ Miri yau te'san tonpa ton usakorota usaurokɥ'pɥ tiwano' kon pe, “I'rito' pe ri si po'piyun ma'tanɥkɥ ko? ⁵ Ikɥ'pɥpo'pomapaino ri tikin ni wɥipiya iye'tɥrawasomasa' e'mato' epe' entai ri,* itepe'pɥ tɥto' pe entu'manin nan ena'!” ta'pɥ to' uya. Isi pe ri to' uya eseremekɥ'pɥ.

⁶ “Tɥwi nesii, i'ri pe ikupɥ i'se iwesi kon? Wakɥ ri ku'sa' iya miri upi',” ta'pɥ Sises uya to' pi'.

⁷ “Entu'manin nan kamoro ipiyawon kon ni i'se iwe'to' kon a'tai ri inpika'tinɥ kon, e'tane inke uri

14:1 E'sotas 12:1-27 **14:3** Ƴru' 7:37-38 * **14:5** tikin ni wɥipiya iye'tɥrawasomasa' e'mato' epe' entai ri –300 pɥrata pun tenariyas itese' ton entai ri

pura iyese ipiyau'nokon. ⁸ Tunkupunu pokena' ri ku'sa' iya miri, po'piyun masa' iya upona ukoneka pe uruwai' ya' uturu e'ma ta'. ⁹ I'napairon ekama uya ipi'nokon, mi awiri ri itekare nusekamayai'ne' non emu' kaisa ri, inkupu'pu ru'pu ri mari usekama miri en yau ikupu pe ri," ta'pu iya.

¹⁰ Isutas Eskariya', 12 kaisaron kon ipoitoru ton tonpa uti'pu use'man nito' tarawasomanin nan epuru ton piya', Sises eparankase'na to' ena'. ¹¹ To' epori'ma'pu miri tetai', miripan kon usauroku'pu purata ke irepato' tauya'nokon pi', miripan esi'pu itato' tauya weyu eporo i'se.

Itepuru Enta'nato'

(Ma'siu 26:17-30; Uru' 22:7-20, 21-23; Isaan 13:21-30)

¹² A'sarutanu'sa' Pen Pureti Pi' Enta'nan Weyu e'sara'ti a'tai, iteseru pe To' Epoi Iti'pu Weyu Ru'pu pi' karimeru mare wito' a'tai, Sises poitoru ton uya ekama'po'pu, "Nai ya' ina uti i'se me'an To' Epoi Iti'pu Weyu Ru'pu pi' iyenta'nato' konekase'na?" ta'pu to' uya.

¹³ Miripan uya asa'ri tupoitoru ton ennoko'pu. To' pi' ta'pu iya, "Entanti' eke pata pona, miripan yau, tuna anin ka'pon uya iyeporo kon miri. Ipihiri mutitai'. ¹⁴ Iyewonsa' na'ne' ita' iuti esa' mekama'potai', 'Ti'sa man: Nai airi uiwu' oton nai To' Epoi Iti'pu Weyu Ru'pu pi' upoitoru ton pokon pe enta'nato' itau? ta pi', mukatai'. ¹⁵ Ekama iya ri miri ipi'nokon eke ri ka'tawon iuti tapu-rui'tise ikonekasa'. Miri yau si enta'nan nito' mukonekatu', ta'pu iya.

16 Ipoitor_u ton si uti'p_u eke pata pona, miripan kon uya si eporo'p_u Sises uya tauro'ka'p_u kon kasa ri, miripan kon uya si To' Epoi Iti'p_u Weyu Ru'p_u pi' te'to' kon koneka'p_u.

17 Pata uko'mansa' a'tai, Sises uyee'p_u 12 kaisaron kon pokon pe. 18 Ter_uu piyau tuteire' kon po tenai' enta'nan pi' to' esi koro'tau, ta'p_u iya, "T'napairon ekama uya ipi'nokon, itonpa kon uya uyeparankato' oton—kuri upokon pe enta'nan pi' na'ne' ri," ta'p_u iya.

19 To' si upokoita'p_u, miripan tikin pa'ne ta'p_u to' uya ipi', "T'napai ri uri pen kuru ri?" ta'p_u to' uya.

20 "Imiri'nokon 12 kaisaron kon tonpa, t_uyu kip_u pi' na'ne' p_usau ya' upokon pe. 21 Ka'pon, Papa winon utito' oton iye'menukasa' t_upi' na'ne' kasa ri, e'tane isi yau ri kuri ri ka'pon esi Ka'pon, Papa winon eparankanin! Wak_u pe ri nesii'no iyentusa' p_ura iyesi yau," ta'p_u iya.

22 To' enta'na koro'tau, Sises uya p_ureti an_um_u'p_u, tenki ta'p_u iya Papa pi', miripan uya i'kwi'piti'p_u, miripan ekam_u'p_u iya t_upoitor_u ton ena', "An_unti', seri seri upun," tai'ma.

23 Miri a'tai, ko' an_um_u'p_u iya, tenki ta'p_u iya Papa pi', miripan uya to' o'pa'p_u, tanporon kon uya iyawon ensi'p_u.

24 "Seri seri um_un_u, emenna' † ekonekan nito' iwano', tu'kan kon iwano' pe iye'kwansa'," ta'p_u iya to' pi'. 25 "T'napairon ekama uya ipi'nokon, iteperu euku ensito' uya oton pen ipokon pe 'nokon

14:18 Eren 41:9 14:22 1 Koren 11:23-25 † 14:24 T_uron ni imenukasa' ton yau "emenna" tasa' p_ura iyesi. 14:24 E'sotas 24:8; Iseremaya 31:31-34

Papa e'to' esa' wannì pe yau emenna' pe ensi uya p_u'k_u pona," ta'p_u iya.

²⁶ Eren pi' t_uuserenkasa' kon t_upo, to' uti'p_u Are' W_up_u pona.

*Pi'ta Uya T_unonkato' Oton Ekama'p_u Sises Uya
(Ma'siu 26:31-35; Uru' 22:31-34; Isaan 13:36-38)*

²⁷ “Tanporo ri unimi auya'nokon miri,” tukai' Sises uya to' pana'ti'p_u, “ap_une p_ura iye'menukasa':

“ ‘Karimeru am_u' pa'simanin wini uya, miripan karimeru am_u' si e'ta'n_u'to' oton,'‡ tawon. ²⁸ E'tane erik_u t_upo, e'm_u'sa'kasa' a'tai, uti miri arawiri'nokon Kiyarari pona,” ta'p_u iya.

²⁹ Pi'ta uya ta'p_u, “Tanporon kon uya inintane, inimi uya pen ni nin miri,” ta'p_u iya.

³⁰ “T_unapairon ekama uya ipi', seri pe—i'nai ri sa'ne, seri ewarup_uii tau—kiritiki uturum_u asa' ite'kwa rawiri, unonkato' auya oton osor_uwau ite'kwa,” ta'p_u Sises uya.

³¹ E'tane miyari pari e'se'ne' pe pari Pi'ta uya ta'p_u, “I'ri pe p_ura ri aya'kiri uma'ta pe iyesi yau, inonka uya pen ni,” ta'p_u iya. Miri awonsi'ki tanporon kon uya ri miri ri mari ta'p_u.

*Sises Ip_urema Ke'semani Po
(Ma'siu 26:36-46; Uru' 22:39-46)*

³² To' uti'p_u Ke'semani tukai' tesa'sen pata ya'. Miri yau, Sises uya ta'p_u t_upoitor_u ton pi', “Ereutapi'ti' se airi ip_urema tane,” ta'p_u iya.

³³ Miripan uya Pi'ta, Isens miri awonsi'ki Isaan ari'p_u ta'kiri, miripan usewankama ena'p_u ika'ni'

‡ 14:27 Sakaraya 13:7 14:28 Ma'siu 28:16

pura ipan pe ri. ³⁴ “Uya'kwaru man pokoi pe, uma'tan poken ni,” ta'pu iya to' pi'. “Serì yau e'ti' tenu ke,” ta'pu iya.

³⁵ Iti'pu miyari pari inni iwa ita'mo'ka'pu non pona ipuremase'na tapi' te'ku'sen si usentakato' pe. ³⁶ “Apa, § Papai, tanporon ni e'ku'to' pe iku'nin pe iwesi, serì ko' imo'kaki uyenapai. E'tane i'se iwe'to' riken e'ku'to', i'se e'to' pen,” ta'pu iya.

³⁷ Miripan enna'po'pu tapoitoru ton piya', miripan uya to' e'namu eporo'pu. “Saiman,” ta'pu iya Pi'ta pi', “iye'nansa' si miri? Tenu ke pe iwesi poken pura iyesi mara ru'kwi ri? ³⁸ Tenu ke esii'ma ipuremati', i'tupi'nito' ya' auta'mo'ka kon namai'. Iya'kwaru esi inku'pai, e'tane ipun esi i'si'mara,” ta'pu iya.

³⁹ Itikaa'pu ipuremase'na miri kasa ri mari kanan. ⁴⁰ Iyenna'posa' a'tai kanan, to' ri mari e'nansa' eporo'pu iya, apune pura e'tape'ne' pe'ne to' enu pi'pi ton esi ke. I'ri ri ta tauya'nokon ipi' tukai' to' uya i'tu pura ri iyesi'pu.

⁴¹ Itosorawano ite'kwa tenna'poi', ta'pu iya to' pi', “Miri si e'nun ni pi' ri miri awonsi'ki umoronka' ni pi' ri iwesi kon? Eke pe man! Iweyu si e'seposa' man. Ka'pon, Papa winon eparankasa' man tumakooikena' nan ena'. ⁴² E'mu'sa'kati'. Utinpai'nokon! Uyeparankanin si uye'ka'ni pi' man!” ta'pu iya.

Sises A'si'pu To' Uya

(Ma'siu 26:47-56; Uru' 22:47-53; Isaan 18:3-12)

⁴³ Usauro'ni pi' kuru ri iyesi koro'tau, Isutas, 12 kaisaron kon tonpa pe te'sen usenpoika'pu.

§ 14:36 Apa; miri pe pura, Papai ta e'kwa pe Arami' pe.

Ipokon pe anpisin usepai'tipi'sa' supara ke miri awonsi'ki wa'tana ke esi'pɥ use'man nito' tarawasomanin nan epuru ton eke ton kuru, Main pi' enupanin nan miri awonsi'ki Esuwerɥ amɥ' epuru ton nennoko'san.

⁴⁴ Eparankanin uya tɥnku'ton ekamasa' esi'pɥ to' pi', "Kɥri sa'su'kayai'ne' si kɥri ri, ma'sitɥi', matɥi' terasu ke," tasa' esi'pɥ. ⁴⁵ Isutas uti'pɥ Sises piya' to'sari ri, miripan uya, "Rapai,"* ta'pɥ ipi', miripan a'su'ka'pɥ iya. ⁴⁶ Miripan kon uya Sises a'si'pɥ. ⁴⁷ Miri yau, a'ko pe iye'soto'pi'sa' kon tonpa uya tɥsuparaai mo'ka'pɥ, miripan uya use'man nito' tarawasomanin nan epuru poitorɥ pana a'ti'pɥ.

⁴⁸ Sises uya, "Main awiron kon pen pe' esa' pe esi seri, iuye'sa' kon na'ne' supara amɥ' miri awonsi'ki wa'tana amɥ' esa' pe uya'sise'na? ⁴⁹ Wɥi kaisari ri ipiyau'nokon esi'pɥ, enupan pi' Esuwerɥ amɥ' use'mato', ipɥremato' iwɥ' pɥ'kɥ tau, uya'si auya'nokon pɥra ri. E'tane imenukasa' itekare uta'ku'tito' pe ri iyesei," ta'pɥ iya. ⁵⁰ Miri a'tai, tanporon kon ipoitorɥ ton uya inonka'pɥ, miripan kon ainɥmɥ'pɥ.

⁵¹ Moine e'wontisa' epe'kena' pon renen tato' atɥ ke tɥpon ke pɥra esii'ma uti esi'pɥ Sises pikiri. Miripan a'si i'se to' e'tane, ⁵² to' enapai temo'kai' iyeka'tumɥ'pɥ iwon pɥra.

Sises Esi Konsɥrɥ Amɥ' Piyau

(Ma'siu 26:57-68; Ƴru' 22:54-55, 63-71; Isaan 18:13-14, 19-24)

* **14:45** Rapai, Ti'sa ta e'kwa pe **14:49** Ƴru' 19:47; 21:37

⁵³ To' uya si Sises ari'p_u use'man nito' t_urawasomanin nan epuru piya', miripan tanporo use'man nito' t_urawasomanin nan epuru ton eke ton kuru, Esuwer_u am_u' epuru ton ni, miri awonsi'ki Main pi' enupanin nan ni am_ura'p_u.
⁵⁴ Pi'ta uya e'ma'p_uka'p_u innonsi'ki ri, use'man nito' t_urawasomanin nan epuru iw_u' p_ur_urorooi pona. Miri yau iyereutasa' esi'p_u erasu am_u' pokon pe a'non pi' apo' piyau.

⁵⁵ Use'man nito' t_urawasomanin nan epuru ton eke ton kuru miri awonsi'ki tanporon kon ni Esuwer_u am_u' Konsur_uai ton esi'p_u Sises ewa'nomato' t_uuya'nokon ipikiri eporo i'se itato' pe t_uuya'nokon ima'tato' ya', e'tane to' uya i'ri ri eporo'p_u pen ni. ⁵⁶ Tu'kan kon ni usaurok_u'p_u ipi' kasi ye' pe ri, e'tane isi'kaisa ri p_ura to' maimu esi'p_u.

⁵⁷ Miri a'tai, t_uron kon e'soto'pi'sa' usaurok_u'p_u kasi ye' pe ri ipi' se tukai': ⁵⁸ "Ina uya eta'p_u, 'Seri ka'pon nukoneka'p_u use'man nito', ipareman nito' iw_u' ma'tan_uka'p_u uya miri, miri awonsi'ki osor_uwau w_ui yau, t_uron ni kanan ami uya, ka'pon nukoneka'p_u pe p_ura nin si,' ta iya," ta'p_u to' uya.
⁵⁹ Miri ri e'tane, isi'kaisa ri p_ura to' maimu esi'p_u.

⁶⁰ Miri a'tai, use'man nito' t_urawasomanin nan epuru e'soto'ka'p_u to' rau, miripan uya Sises ekama'popit_u'p_u, "Eik_u auya pen ni pe' miri? I'ri tukai' p_usamoro ka'pon am_u' usaurok_u ipi'?" ta'p_u iya. ⁶¹ E'tane Sises esi'p_u e'pana ri to' eik_u iya p_ura ri.

Use'man nito' t_urawasomanin nan epuru uya

ekama'pokaapɸ kanan, “Imiri pe' kuri ri Kurai,† Iyipɸremasa' pe Te'sen Mu?” ta'pɸ iya.

⁶² Miripan pi', “Uri ri,” ta'pɸ Sises uya. “Ka'pon, Papa winon ereutasa' Merunti pe te'sen emiya enwo'netɸ wini ento' auya'nokon oton, miri awonsi'ki iyepɸ kapuru' yau Epɸn poi,” ta'pɸ iya.

⁶³ Use'man nito' tarawasomanin nan epuru uya tɸpon karaka'pɸ. “I'rito' pe miyari ri ekamanin nan i'se e'ni? ⁶⁴ Metatɸu ri sa'ne ko isaurokɸ Papa sapema pe. I'ri tukai' ken misenuminkayatɸu?” ta'pɸ iya.

Tanporon kon uya ri eno'ma'pɸ ima'tato' pe. ⁶⁵ Miripan tɸron kon ni eta'tapitɸ'pɸ ipona; to' uya itenu auromɸ'pɸ, tɸmokorooi kon ke to' uya iwini'pɸ, miripan, “Pu'kena' pe ekamaki!” ta'pɸ to' uya ipi', miripan mo'ka'pɸ erasu ton uya, miripan wipitɸ'pɸ to' uya.

Pi'ta Uya Sises Nonka'pɸ

(Ma'siu 26:69-75; Urɸ' 22:56-62; Isaan 18:15-18, 25-27)

⁶⁶ Pi'ta esi koro'tau non po, iuti pɸrorooi po, uri'san, use'man nito' tarawasomanin poitorɸ uyee'pɸ. ⁶⁷ Pi'ta a'no ensa' tɸuya a'tai, enpitɸ'pɸ iya a'ko pe esii'ma, “Imiri ri niri Nasare' pon Sises a'kiron nɸ'pɸ,” ta'pɸ iya ipi'.

⁶⁸ E'tane i'tunin pe pɸra iye'kuu'pɸ, “I'tu uya pɸra man; ito'ka'nɸkɸ uya pɸra man i'ri pi'

† **14:61** Kurai (Kiri' maimu yau); miri pe pɸra, Me'saya (Ipuru maimu yau), asa'ri ri mari iyese, Papa Nanɸmɸ'pɸ ta e'kwa pe.

14:62 Taniyerɸ 7:13 **14:64** Ripaiti'kas 24:16

ausaurok_u tukai',” ta'p_u iya, miri'pan uti'p_u utin nito' e'ma ta', miri a'tai kiritiki uturum_u'p_u.‡

⁶⁹ To' poitor_u uri'san uya ensa' a'tai miri yau, takaa'p_u iya kanan te'soto'pi'se iwoi te'san pi', “P_use ri kari ri to' tonpa,” ta'p_u iya.

⁷⁰ I'tunin pe p_ura kanan iye'ku'kaa'p_u.

Mara ri iyesei t_upo, kamoro a'ko pe iye'soto'pi'sa' kon uya ta'p_u Pi'ta pi', “I'napai ri kuru ri imiri kari ri to' tonpa, ap_une p_ura Kiyarari pon pe iwesi,” ta'p_u to' uya.

⁷¹ Tiwano' pe ri iye'pa'n_uku'p_u, miri'pan uya ta'p_u to' pi', “P_use ri ka'pon ipi' masauro'atai'ne' i'tu uya p_ura man!” ta'p_u iya.

⁷² Inke p_ura ri, iyakon ite'kwa pe kiritiki uturum_u'p_u. Miri a'tai, Pi'ta uya Sises maimu r_u'p_u nee'p_u tenu ya' t_upi' isauro'sa' r_u'p_u, “Kiritiki uturum_u rawiri iyakon ite'kwa pe, I'tu uya p_ura man, tato' auya oton osor_uwau ite'kwa,” ta'p_u iya r_u'p_u, miri'pan ukaram_u'p_u.

15

Sises Ari'p_u To' Uya Paire' Piya'

(Ma'siu 27:1-2, 11-26; Uru' 23:1-5, 13-25; Isaan 18:28–19:16)

¹ Ipan pe awanak_ui' kuru, use'man nito' t_urawasomanin nan epuru ton eke ton kuru, Esuwer_u am_u' epuru ton pokon pe, Main pi' enupanin nan miri awonsi'ki tanporo Kons_ur_u am_u' ekoneka'p_u. To' uya Sises auronpi't_u'p_u, miri'pan ari'p_u to' uya Paire' ena'.

‡ 14:68 T_uron ni imenukasa' ton yau, miri a'tai kiritiki uturum_u'p_u tawon p_ura iyesei.

² “Esuweru amu' kin pe' imiri?” tukai' Paire' uya ekama'po'pu.

“Ewai', mukayai'ne' kasa ri,” tukai' Sises uya eiku'pu.

³ Tu'kan ke ri use'man nito' tarawasomanin nan epuru ton eke ton kuru uya eseru'ti'pu. ⁴ Miri pi' Paire' uya kanan ekama'poka'pu, “Eiku' auya pen ni pe' miri? Menyan pe' tu'kan pi' ri to' uya iyaseru'ti?” ta'pu iya.

⁵ E'tane Sises uya entakanoma'pu pen ni; miri uya Paire' ewansiuka'pu.

⁶ Iteseru si esi'pu miri, to' enta'nato' weyu a'tai a'sisa' nonkato' ka'pon amu' nekama'po'pu. ⁷ Ka'pon, Parapas tukai' tesa'sen esi'pu pariki'si tau, pata esanon pokon pe isewa'nomapai te'san koro'tau, ka'pon winin nu'pu miri a'tai. ⁸ Anpisin uyee'pu Paire' piya' tunku'se' e' ku'se'na iye'to' pe tiwano' kon pe.

⁹ “Esuweru amu' kin pe' nonka uya i'se me'atuu iiwano' kon pe?” ta'pu Paire' uya to' pi', ¹⁰ tikinta kon wenai ri use'man nito' tarawasomanin nan epuru ton eke ton kuru uya Sises tusa' tena' i'tui'ma ri. ¹¹ E'tane use'man nito' tarawasomanin nan epuru ton eke ton kuru uya ka'pon amu' tunka'pu Paire' uya Parapas ru'ku nonkato' pe tiwano' kon pe tawon nan pe.

¹² “F'ri pe ken si Esuweru amu' kin tato' kupu uya?” ta'pu Paire' uya to' pi'.

¹³ “Kurusu' pona ipokapi'ki!” tukai' to' uki'pi'nunpitu'pu.

¹⁴ “F'rito' pe? F'ri iri ku'sa' iya?” tukai' Paire' uya to' ekama'po'pu.

E'tane miyari ri eke pe to' uki'pi'nənpitu'pə, “Kurusu' pona ipokapi'ki!” tukai'.

¹⁵ Pori' pe anpisin inku'pai tesi pi', Paire' uya Parapas nonka'pə to' iwano' pe. Sises ari'po'pi'to' pe to' uya ikupə'pə iya, miripan nonka'pə iya to' ena' kurusu' pona to' uya ipokapi'to' pe.

*Sises Sapema'pə Soisa Amə' Uya
(Ma'siu 27:27-31; Isaan 19:2-3)*

¹⁶ Sises ewonnəkə'pə soisa amə' uya kopəna iwə' ta' (kopəna pe e'ni iwə', Pəre'toriun itese'), miripan kon uya tanporo tatonpa kon soisa amə' ki'ma'pə. ¹⁷ To' uya tatariren pon ya' iponti'pə, miripan kon uya tikə ke te'sen e'mepitu'pə aro', kəron pe, miripan ke to' uya aruko'ti'pə. ¹⁸ Miripan kon uya esa'pitu'pə, “Miyari, Esuwerə amə' kin!” ta'pə to' uya. ¹⁹ Miripan kon uya kanan iwipitu'pə i'pai pi' yui ke, miripan kon eta'tapitu'pə ipona. To' uta'mo'kapitu'pə tese'mu kon pona'ne inama pe itese'. ²⁰ Isapema'pə təuya'nokon nonka təpo, to' uya tatariren pon mo'ka'pə, miripan kon uya iponti'pə ipon ni nin si ya'. Miripan ari'pə to' uya kurusu' pona ipokapi'se'na.

*Kurusu' Pona Sises Pokapitu'pə To' Uya
(Ma'siu 27:32-44; Uru' 23:26-43; Isaan 19:17-27)*

²¹ Ka'pon Sairini winon, Saiman itese', Arisanta miri awonsi'ki Ru'pos kəipənə uyepə esi'pə eke pata ya' sunwapai, miripan a'kwarəka'pə to' uya kurusu' ato' pe iya. ²² Sises nee'pə to' uya pata Korəko'ta tato' ya', pu'pi'i'pə ru'pə pata ta e'kwa pe. ²³ Miripan o'pa'pə to' uya waain sumasa' i'ne' mirə itese' ke, e'tane ensi iya pəra iyesi'pə. ²⁴ Miripan

pokapitɔ'pɔ to' uya kurusu' pona. Ipon nɔ'pɔ ta'nɔkɔ'pɔ to' uya, i'tuto' ipi' ke te'wapiya'kapi'se, epopitɔ'pɔ to' uya.

²⁵ To' uya kurusu' pona ipokapitɔ'pɔ 9 a'kɔra'.

²⁶ Iwito' iwenai ento' ipi' menukasa' uya, ta esi'pɔ: ESUWERɔ AMɔ' KIN, tukai'. ²⁷ To' uya ipokon pe asa'ron kon ama' amɔ' pokapi'sa' kurusu' pona esi'pɔ, tikin ni itenwo'netɔ wini miri awonsi'ki tikin ni ikamisi wini. ²⁸ Seri kasa kuru si iye'menukasa' itekare uta'ku'ti'pɔ, "Iri ku'nin nɔ'san pokon pe iyese'pɔ,"* tawon.† ²⁹ Kamoro ipiyawiri tautisan uya iri pe ri isapema'pɔ. Ti'pai kon sukɔsukɔma'pɔ to' uya, "Imiri si, 'use'man nito', ipɔreman nito' iwɔ' ma'tanɔkɔ uya, miripan kanan amikapɔ uya osorɔwau wɔi yau,' tawon nɔ'pɔ, ³⁰ iu'tiki si kurusu' poi, epika'tiki iiwano' pe!" tai'ma.

³¹ Miri kasa ri mari use'man nito' tɔrawasomanin nan epuru ton eke ton kuru miri awonsi'ki Main pi' enupanin nan uya isapema'pɔ tɔmiri'nokon pe. "Tɔron kon pika'ti'pɔ iya, e'tane tiwano' pe iyepika'ti pɔra iyese! ³² Tiwi pɔse ri Kɔrai,‡ Esuwerɔ amɔ' kin nɔ'u'tii seri pe kurusu' poi ento' pe, miripan apurito' pe," ta'pɔ to' uya. Kamoro iya'kiri kurusu' pona ipokapi'sa' kon uya ri niri isapema'pɔ.

Sises Eriku'pɔ

(Ma'siu 27:45-56; Ƴru' 23:44-49; Isaan 19:8-30)

15:24 Eren 22:18 * **15:28** Aisaya 53:12 † **15:28** Tɔron ni imenukasa' ton esi v. 28 pɔra. **15:29** Eren 22:7; 109:25; Ma' 14:58; Isaan 2:19 ‡ **15:32** Kɔrai (Kiri' maimu yau); miri pe pɔra, Me'saya (Ipuru maimu yau), asa'ri ri mari iyese, Papa Nanɔmɔ'pɔ ta e'kwa pe.

33 12 a'kura' a'tai, pata ewarumamu'pu 3 a'kura' pu'ku pona ri. 34 3 a'kura' iye'tane Sises uki'pi'nunpitu'pu eke pe ri, “*Troi, Troi, rama sapa'tani?*” ta'pu iya, “Papa, Papa, i'rito' pe unonkasa' auya?” § ta e'kwa pe.

35 Kamoro a'ko pe iye'soto'pi'sa' kon uya seri etasa' a'tai, “Apune etati', Iraisia ki'ma pi' man,” ta'pu to' uya.

36 Tikin nan ka'pon eka'tumu'pu su'pa ki'se'na waain peneka ka', yui pi' tepu'tii' Sises uya ensito' pe ituru'pu iya. “Tiwi nesii; apune Iraisia uyepu imo'kase'na enpai'nokon,” ta'pu iya.

37 Sises uki'pi'nunmu'pu eke pe ri, miripan eriku'pu.

38 Esuweru amu' use'mato', iparemato' itau wapu ekaraka'pu a'sa'muyai inakapu awonsi'ki non pona. 39 Eke soisa amu' epuru pe te'sen iye'soto'kasa' ru'pu Sises rau uya Sises uki'pi'nunmu eta'pu, iyeriku ri ene'pu, miripan uya, “T'napai ri kuru ri ka'si, puse ri esi'pu miri wa Papa Mumu pe!” ta'pu.

40 Taron kon uri'sami'si amu' uya enpitu'pu innonsi'ki, miripan kon koro'tau Meri Mataren, Meri kanan aiko Isens miri awonsi'ki Isoses san, miri awonsi'ki Saromi esi'pu. 41 Kiyarari ponsi'ki pusamoro uri'sami'si amu' uyee'pu iya'kiri, i'se iye'to' ke to' uya imainanpa'pu. Tu'kan kon taron kon uri'sami'si amu' iya'kiri iye'sa' kon nu'san Surusiran pona ri niri esi'pu miri yau.

§ 15:34 Eren 22:1 15:36 Eren 69:21 15:38 E'sotas 26:31-33
15:41 Uru' 8:2-3

Sises U'na'ti'pꞤ Isole' Uya

(*Ma'siu 27:57-61; Ɖru' 23:50-56; Isaan 19:38-42*)

⁴² Ekonekan Weyu pe iyesi'pꞤ, Sapa' e'ma ta'. Pata uko'mamꞤ koro'tau, ⁴³ Isole', Arama'tiya pon to' nꞤnamanꞤ pe kuru te'sen KonsurꞤ amꞤ tonpa, Papa e'to' esa' wannꞤ pe uyepꞤ enupikiri niri te'sen uti'pꞤ enari'mura ri Paire' piya', Sises ekepu ekama'pose'na. ⁴⁴ Paire' usewansiuka'pꞤ iyeri'ka'sa' ta tetai'. Soisa amꞤ epuru tukim'ai, ekama'po'pꞤ iya, "Sises pe' eri'ka'sa'?" tukai'. ⁴⁵ Soisa amꞤ epuru uya nin si tꞤpana'tisa' a'tai, "Iyeri'ka'sa' ri," tukai', itekepu nin si nonka'pꞤ iya miri Isole' ena'. ⁴⁶ Isole' uya nin si epe'kena' pon renen tato' atꞤ enna'pꞤ miri, miripan uya Sises ekepu mo'ka'pꞤ kurusu' poi, iwonti'pꞤ iya pon atꞤ ke, miripan emaika'pꞤ iya uruwai' pe ti' akasa' ya'. Miripan mura'taai pona ti' tirinka'pꞤ iya. ⁴⁷ Meri Mataren miri awonsi'ki Meri, Isoses san uya miri airi itꞤꞤ ene'pꞤ.

16

Sises E'mꞤ'sa'ka'pꞤ

(*Ma'siu 28:1-8; Ɖru' 24:1-35, 50-53; Isaan 20:1-10; InkupꞤ'pꞤ 1:6-8*)

¹ Sapa' pata'pꞤ pe, Meri Mataren, Meri, Isens san, miri awonsi'ki Saromi uya a'po'nan enna'pꞤ Sises ekepu karapaimai' tꞤutito' kon pe. ² AwanakꞤi' kuru suntaaka epiya'ti pe wai enu enu'tane, to' uti esi'pꞤ ti' akasa' uruwai' pona, ³ "InꞤ' uya ti' uruwai' mura'ta pon tirinkato' pe uiwano' kon pe?" tukai' to' usekama'po'pꞤ.

⁴ E'tane, tenu kon tꞤsa' to' uya a'tai, to' uya eke kuru ri ti' e'tirinkasa' ene'pꞤ. ⁵ Ti' akasa' uruwai'

pe ya' to' ewom_u koro'tau, moine, aimu'nan ipon ereutas_a' enwo'ne' wini ene'p_u to' uya, miripan pi' to' etuipit_u'p_u.

⁶ “Ketupi'tau,” ta'p_u iya. “Si'tuyai' Sises, Nasare' pon warinpa auya'nokon kurusu' pona ipokapi'sa' r_u'p_u. Seri yau p_ura man, iye'm_u'sa'kaka'a'p_u man! Ap_une enti', to' uya itur_u'p_u pata'p_u. ⁷ E'tane entanti' ipoitor_u ton nu'san ipana'titanti' miri awonsi'ki Pi'ta ri, 'Iti miri Kiyarari pona arawiri'nokon. Miri yau ene auya'nokon, ta'p_u tauya kasa ri,' ” ta'p_u iya.

⁸ Miripan kon epa'ka'p_u to' eka'tum_u'p_u uruwai' piyapai e'tititi'ka'i'ma, ap_une p_ura ipan pe ri to' etuipi'sa' esi'p_u. I'ri ta'p_u to' uya pen ni inu' pi' ri, ap_une p_ura enari'ke' pe tesi kon pi'.

[Wapiyaro' iwa ton miri awonsi'ki en yawo'nan penaro' ton pari yau Ma' 16:9-20 p_ura iyesi.]
(Ma'siu 28:9-10; Isaan 20:11-18)

⁹ Sises e'm_u'sa'ka'p_u teriku'p_u tupo, awanakui' kuru Sonte a'tai, isenpoika'p_u wapiya kuru Meri Mataren enu ya', ⁷ kaisaron kon makooi a'kwar_u enpa'ka'p_u iya r_u'p_u iyapai piya'. ¹⁰ Iti'p_u itonpa r_u'san pana'tise'na, pokoi pe tesi kon pi' tukaransan. ¹¹ Miripan uya, “Sises man nurine. Ene'p_u uya,” ta tane iya, to' uya apuri p_ura ri iyesi'p_u.

¹² Miri tupo, Sises usenpoika'p_u taron ni pe tenai' asa'ron kon uti koro'tau pata ya'. ¹³ Pusamoro si enna'po'p_u taron kon pi' ekamase'na, e'tane to' apuri to' uya p_ura ri iyesi'p_u.

14 Emennu'pu ri, Sises usenpoika'pu 11 kaisaron kon piya' to' enta'na tane. To' eseremeku'pu iya to' napurinu'para iyessi pi', sa'man pe ri iye'ma'sa'kasa' ennin nu'san anapuripai para to' esi pi'.

15 Ta'pu iya si to' pi', "Entanti' tanporo ri non poro pata awiri waku itekare ekamatanti' Papa nukapu'san pi'. 16 Inu' ri apurinin ni epa'taisimasa' ri epika'ti, e'tane inu' ri kari apurinin pen ni eno'ma ri. 17 Pusamoro uyese' apurinin nan uya si i'tuto' ipikiri merunti eporo miri makoi amu' enpa'kapitu miri uyese' yau to' si usauroku miri emenna' main, siran yau. 18 To' uya ikui anumu miri temiyatu kon ke, miripan kon uya isi ri paisin ensi, e'tane e'ne' pe to' kupu iya pen ni, miripan kon uya temiyatu kon nonka takuru'kena' nan ka'pon amu' pona'ne, miripan kon usepi'ti," ta'pu iya.

19 Itepuru Sises usauroku'pu tupo to' pokon pe, itanumu'pu Epu'n pona, miripan ereuta'pu enwo'ne' Papa emiyatu wini. 20 Miripan ipoitoru ton uti'pu itekare ekamase'na mi awiri ri, miripan Itepuru e'turawasoma'pu to' a'kiri, miripan i'napai ri tumaimu to' nekamanu esi ekamanin pe i'tuto' ipikiri eke ton turawaso kupu'pu iya.

*[Taron Ni Kanan Penaro' Iye'nonka'pu Yai] **

[9] Uri'sami'si amu' uti'pu Pi'ta miri awonsi'ki itonpa ton piya' to'ken ni tupana'ti'pu kon ekamase'na to' pi'. [10] Miri tupo, tupoitoru ton poro,

16:15 Inkupu'pu 1:8 **16:19** Inkupu'pu 1:9-11 * **16:20** Taron ni ton imenukasa' ton miri awonsi'ki penaro' ton enpoikasa' ton yau, seri to'kenan iu'matu waku itekare yau ku'sa' iu'matu pu'ka'na'tinin pe.

Sises uya tumiri pe, wai enu uye'to' winipai, wai enu utito' pa'ka pona waka, to'pana'nin tiwiro' epika'tin nito' ekareei ennoko'pa. Amen.

**Wakɔ Itekare: Emenna' Pe Ekonekan Nito'
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 21 Feb 2024 from source files dated 29 Jan 2022

0a50da4e-768d-5472-9dd1-d9747ff5918f